

Siunnersuummut nassuiaatit

Nassuiaatit nalinginnaasut

1. Aallaqqaasiut

Siunnersuut manna suliarineqarpoq Inatsisartut Suleriaasiata allanngortinneqarnissaanik naalackersuinikkut kissaatit 2017-imi novembarimi Inatsisartut isumasioqatigiissinneqarneranni, 2019-imi februaarimi Siulittaasoqarfiup isumasioqatigiinnerani, partiit Inatsisartunut ilaasortaataitaqartut ilaasortaataasa siulittaasuisa ataatsimeeqatigineqartarnerini kiisalu UPA 2019-ip ingerlanerani Siulittaasoqarfiup ataatsimiittarnerini saqqummiunneqartartut tunngavigalugit. Siunnersuut taamatuttaaq suliarineqarpoq suleriaatsip oqaasertalersorneqarnermigut imarisamigullu ullutsinnut naleqqussarneqarlunilu nutarterneqarnissaa siunertaralugu suleriaatsip Inatsisartut Allattoqarfiannit aaqqissuussamik misissuataarneqarnera tunngavigalugu.

Siunnersuut suleriaatsip ataatsimut nutarterneqarnissaata immikkoortuisa siulleraat, piffissaalatsineq pissutigalugu allannguutissatut eqqarsaatigineqartut tamaasa UKA2019-imut angumersissunneqarsinnaasimangimmata. Suleriaatsimut allannguutissatut siunnersuutit amerlanerusut UPA 2020-mut saqqummiunneqarnissaat pilersaarutaavoq.

Suleriaatsip allanngortinneqarnissaanut siunnersuut manna oqaasertaasigut iluarsinerit saniatigut allannguutinik siunnersuummi immikkoortuni pingaarnerni ataani sukumiinerusumik allaaserineqartunik makkuninnga imaqarpoq:

Ataatsimiititaliat ataatsimiinnerini paasissutissat isertuussassat atortussallu isertuussassat suliarineqartarneri, Naalagaaffiit Peqatigiit ataatsimeersuarnerannut Nunat Avannarliit Siunnersuisoqatigiiffiannullu qinerseriaatsip allanngortinneqarnera, Inatsisartunut ilaasortat partiillu aalajangiiffigisassatut siunnersuutaasa aningaasatigut allaffissornikkullu kingunerisassaasa allaaserineqartarnerata Naalackersuisunut nuunneqarnera, apeqquteqaat tunngavigalugu oqallinnerni Inatsisartut oqaaseqaateqarsinnaanerannut periarfissap atorunnaarsinneqarnera, § 37 malillugu apeqquteqartarnermut suleriaatsip erseqqissarneqarnera, Inatsisartut ukiuata aallartittarnerata ukiakkullu ataatsimiinnerup ammarneqartarnerata immikkoornerisa erseqqissarneqarnera, apeqquteqaat aallaavigalugu oqallinnissamik siunnersuutinik tunniussisarnermut kingusinnerpaamik tunniussisarnissamut piffissaliineq, ullormi ataatsimiiffiusussami tullermi oqaluserisassani immikkoortut nalunaarutigineqassaarneri, Inatsisartut Siulittaasoqarfiannut sinniisussat Inatsisartut ataatsimiinnerinik aqutsisinnaalernerat, Inatsisartut nersornaasiisarneri taamaaqataannillu tunniussisarnerit pillugit aalajangersakkap atorunnaarnera, aalajangiiffigisassatut siunnersuutit, apeqquteqaat aallaavigalugu oqallinnerit akunnerlu apeqquteqarfiusinnaasoq

eqqarsaatigalugit piffissat oqaaseqarfiusinnaasut allanngortinneqarneri, sivišuneruſumik oqaaseqarsinnaanermik qinnuteqartarnermut piffissaliuſſap allanngortinneqarnera, ilaqtariuſſuſtisi isiginiagassanik pingaarutilinnik tunngaveqartumik najuutinngikkallarsinnaalerneq, piffissat sulinnigiffeqarfiusut najuutinngikkallarnerillu ukiumoortumik nalunaarummi nalunaarsorneqarniſſaannut piſuſſaaffiup atorunnaarsinneqarnera kiisalul ſinniſſuſſanik ataatiſimiigiaqquſiſarneq.

2. Siunnersuummi immikkoortut pingaarnerit

2.1. Paasissutissat atortuſſallu iſertuſſaſſat ſuliarineqartarneri

Aalajangersagaq nutaaq pineqarpoq. Qarasaasiaqarnikkut iſumannaalliaſſanik piſariaqartitiſinerup annertuſiartornera, taamatullu aamma paasissutissanik atortuſſanillu iſertuſſaſſanik ſuſaſſaqanngiſunut apuuttoqarſinnaanerata annikilliarneqarniſſaanik piſariaqartitiſineq aalajangersakkamut tunngaviuvoq. Qulequttanik, paasissutissanik atortuſſanillu iſertuſſaſſanik ataatiſimiititaliap ſuliarinninneranut atatiſlugu ataatiſimiititaliap ataatiſimiinnera imaluunniit oqaluſeriſaſſani immikkoortup aalajangersiſaſup oqaluſerineqarnera internettimut ataveqarani aamma atortunik elektroniſkiuſunik atortoqarani ingerlanneqaſſaſoq ataatiſimiititaliap aalajangersinnaagaa aalajangersakkakut periarfiſſinneqarpoq.

Ataatiſimiititaliap ilanngullugu aalajangersinnaavaa ataatiſimiinnermi atortuſſat iſertuſſaſſat tamarmik taamaallaat pappiaranngorlugit pigineqaſſaſut ataatiſimiititaliallu ataatiſimiinnerani ſuliarineqareerunik uterteqqinneqarlutik.

2.2. Naalagaaffiit Peqatigiit ataatiſimeerſuarnerinut ſinniſſuutiſaſſanik taakkulu ſinniſſuſſaannik qinerſeriaatiſip allanngortinneqarnera

Siunnersuutiſikkut Naalagaaffiit Peqatigiit ataatiſimeerſuarnerinut ſinniſſuutiſaſſat taakkulu ſinniſſuſſaſa ſiunniſſami paarlakaajaalluni peqataatiqartarneq nutaaq malillugu qinerneqartaliffapput, taamaalillunilu partiit kattuſſeqatigiilluunniit arfineq-pingaſut tikillugit qinigaaffiup ataatiſip ingerlanerani Naalagaaffiit Peqatigiit ataatiſimeerſuarnerinut ſinniſſuutiqarſinnaalerlutik.

Aalajangersakkap ſiunertaraa ullumikkut qaſſanik ilaſortaatiqarneq aallaavigalugu qinerſeriaatiſimut taarſiullugu qinerſeriaatiſikkut partiit amerlaneruſut ilaſortaatiſaat Naalagaaffiit Peqatigiit ſulinerat pillugu ilaſiſaſaqalerniſſamut miſilittagaqalerniſſamullu periarfiſſaqalerniſſaſat.

2.3. Nunat Avannarliit Siunnersuiſoqatigiiffiannut ſinniſſuutiſaſſanik taakkulu ſinniſſuſſaannik qinerſeriaatiſip allanngortinneqarnera

Siunnersuutikkut Nunat Avannarliit Siunnersuisoqatigiiffiannut sinniisuutitassat taakkulu sinniisussaasa siunissami paarlakaajaalluni peqataatitaqartarnek nutaaq malillugu qinerneqartalissapput, taamaalillunilu partiit kattusseqatigiilluunniit arfineq-pingasut tikillugit qinigaaffiup ataatsip ingerlanerani Nunat Avannarliit Siunnersuisoqatigiiffiannut sinniisuutitaqarsinnaalerlutik.

Aalajangersakkap siunertaraa ullumikkut qassinik ilaasortaataqarneq aallaavigalugu qinerseriaatsimut taarsiullugu qinerseriaatsikkut partiit amerlanerusut ilaasortaataat Nunat Avannarliit Siunnersuisoqatigiiffiata sulinera pillugu ilisimasaqalernissamut misilittagaqalernissamullu periarfissaqalernissaat.

2.4. Inatsisartunut ilaasortat partiilluunniit aalajangiiffigisassatut siunnersuutaannut Naalackersuisut akissuteqaasiortassapput akissuteqaammilu siunnersuutip allaffissornikkut aningaasatigullu kingunerisassai allaaseralugit

Ilaasortat partiillu aalajangiiffigisassatut siunnersuuteqartut ullumikkut pisussaaffeqarput aalajangiiffigisassatut siunnersuutip aningaasatigut allaffissornikkullu kingunerisassaaniq allaaserinninnissaminnut. Ilusissanut piumasaqaat tamanna 2010-mi suleriaatsimut ilanngunneqarpoq. Aalajangersakkamut nassuiaatini oqaatigineqarpoq: ”*Aningaasaqarnikkut allaffissornikkullu kingunissat aalajangigassatut siunnersuummi nassuiarneqarnissaat pillugu ilassuteqarnikkut aalajangigassatut siunnersuutit saqqummiunneqartut oqaluuserinissaannut Inatsisartut naammattunik tunngavissinneqassapput. Aningaasaqarnikkut allaffissornikkullu pisariaqartitat qanoq annertutigisumik nassuiarnissaanni siunnersuutit pineqartut suuneri apequtaapput. Inatsisartunut ilaasortat aalajangiiffigisassatut siunnersuutaanni aningaasaqarnikkut allaffissornikkullu kingunissat pillugit nassuiaatit Naalackersuisut inatsisissatut siunnersuutaannut sanilliullugit tamatigut qularnaatsuusarnaviangitsut aammattaaq naatsorsuutigineqartariaqarpoq. Inatsisartunut ilaasortat ataasiakkaat Naalackersuisut periarfissaatulli naliliinissamut naatsorsuinissamullu periarfissaqartannginnerat matumani pissutaavoq.*”

Piffissamili qaangiuttumi siunnersuutit saqqummiunneqartut allaffissornikkut aningaasatigullu kingunerisassaat ilaasortanut, partiinut, partiit allaffeqarfiinut Inatsisartullu Allattoqarfiannut missingeruminaassimapput, taamatut nalilersuisinnaaneq eqqarsaatigalugu paasissutissanik najoqqutassanillu imaaliallaannaq pissarsiviusinnaasut killeqarmata.

Taamaalilluni kingullermik ulloq 5. april 2019-imi partiit Inatsisartunut ilaasortaataqartut siulittaasuisa ataatsimiinneranni ersersinneqarpoq Inatsisartut aalajangiivigisassaattut siunnersuuteqarnermut atatillugu aningaasatigut allaffissornikkullu kingunerisassat allaaserineqartarnissaannik ullumikkut piumasaqaatit Inatsisartunut ilaasortanut ulluinnarni sulinermi naammassiuminaattartut.

Taamatuttaaq pakatsinarlunilu nikallornarsinnaasarpoq ilaasortaq partiiluunniit qaqugukkulluunniit aalajangiiffigisassatut siunnersuummik oqaluuserisassanngortikkusutamik saqqummiussisinnaanissaminut mattunneqaraangat, siunnersuutip kingunerisassaasa naammattumik qulaajarneqarsimannginnerat pissutigalugu.

Ulluinnarni sulinermi Inatsisartunut ilaasortat Inatsisartunilu partiit aalajangiiffigisassatut siunnersuusiorterminnut atatillugu Inatsisartut Allattoqarfiannit ikiorserneqakkajuttarput, siunnersuutip kingunerisassaasa allaaserinerinut imaluunniit pitsaassusiisa qularnaarneqarnerinut. Inatsisartulli Allattoqarfiat siunnersuutip kingunerisassaasa qulaajarneqarsinnaanissaanut paasissutissanik pisariaqartunik pissarsinissaminut akuttunngitsumik periarfissaqarneq ajorpoq. Taamaattoqartillugu § 37 malillugu apeqquteqarnikkut siunnersuutip eqqarsaatigineqartup kingunerisassaasa qulaajarneqarnissaannut siunnersuuteqartoq innersuunneqartarpoq.

Aalajangiiffigisassatut siunnersuutip tunniunneqareersimanissaanut sapaatit akunnerinik tallimanik piffissarititaq sioqqullugu § 37 malillugu apeqqutip akissuteqarfigineqareersimanissaata naatsorsuutigineqarsinnaannginnera aporfiusinnaavoq.

Aamma imatut pisoqarsinnaasarpoq aalajangiiffigisassatut siunnersuutip eqqarsaatigineqartup kingunerisassai § 37 malillugu apeqquteqarnikkut qulaajarneqarsinnaasaratik, paasissutissanik katersinissaq annertoq, susasaqartunit avataaneersunit paasissutissanik annertuumi pissarsiniarnissaq imaluunniit nalilersuilluni misissueqqissaarnerit imaannaanngitsut § 37 malillugu apeqqummut akissuteqarnissamut killiliussat avataanniittut akissuteqarnissamut piunasaqaataagaangata. Taamatut pisoqartillugu siunnersuuteqartut siullermik misissuinissamik aallartitsinissamik imaluunniit nassuiaasiornissamik siunnersuuteqarnissaannut innersuunneqartarput. Tamannalu siunnersuuteqartumut, nalunaarusiornermut taarsiullugu massakkorpiaq iliuseqartoqarnissaanik kissateqartumut naalakkersuinikkut anguniagalimmullu pakatsinarlunilu nikallornarsinnaasarpoq.

Aalajangiiffigisassatut siunnersuutip kingunerisassaasa qulaajarneqarsimanissaannik piunasaqaatip tamakkiisumik atorunnaarsinneqarnissaa taamaattoq isumaqarnarpoq aaqqiinerusoq pissusissamisuunngitsoq illersorneqarsinnaanngitsorluunniit.

Inatsisartut qulaajarluarneqarsimasunik tunngaveqarlutik aalajangiisinnaanissaat immini pissusissamisoortumik piunasaqaataavoq, sattaaserluni aalajangiisoqannginniassammat aalajangiinerup inuiaqatigiinnut qanoq akeqarnissaata naatsorsuutigisariaqarnera, taamatullu aamma nunami innuttaasunut inuussutissarsiortunullu sunik kinguneqarnissaanik naatsorsuutigisariaqarnera nalullugit.

Taamaattumik qulaani allassimasut tunngavigalugit siunnersuutigineqarpoq allaffissornikkut aningaasaatigullu kingunerisassat allaaserineqarneri Naalackersuisunit suliarineqartalissasut. Siunnersuutikkut Naalackersuisut pisussaaffilerneqarput aalajangiiffigisassatut siunnersuutitut Inatsisartunut ilaasortanit partiinilluunniit saqqummiunneqartunut akissuteqaasiortarnissaminnut siunnersuutillu allaffissornikkut aningaasaatigullu kingunerisassai akissuteqaammi allaaseralugit.

2.5. Apeqquteqaat aallaavigalugu oqallinnerni Inatsisartut oqaaseqaateqarsinnaanerata atorunnaarsinneqarnera

Inatsisartunut ilaasortat partiillu ullumikkut apeqquteqaat aallaavigalugu oqallinnerni Inatsisartut oqaaseqaatissaannut siunnersuuteqarsinnaatitaapput. Tamakku naalackersuinikkut isummanik ersersitsinerinnaasarpur Naalackersuisunut inatsisitigut pituttuisuunngitsut. Apeqquteqaat aallaavigalugu oqallinnermut atatillugu Inatsisartut oqaaseqaatissaannik siunnersuuteqarsinnaatitaaneq 2008-mi atuutilerpoq. Apeqquteqaat aallaavigalugu oqallinnernut atatillugu Inatsisartut oqaaseqaataat akuersissutigineqartartut ulluinnarni sulinermi annerusumik sunniuteqarsimanngitsut takuneqarsinnaavoq. Tamatuma saniatigut paasinarsisimavoq aalajangersagaq ataatsimiinnermik aqutsisumit ulluinnarni aqukkuminaatsoq, tassami qqaaseqaatissap aalajangiiffigisassatut siunnersuutitut pissuseqannginnissaa ataatsimiinnermik aqutsisup ilaatigut qularnaarniartussaammagu. Qulaani allassimasut tunngavigalugit siunnersuutigineqarpoq Inatsisartut oqaaseqaatissaannik siunnersuuteqarsinnaaneq atorunnaassasoq.

2.6. § 37 naapertorlugu apeqqutinik saqqummiussisarnermut suleriaatsimik erseqqissaaneq

Inatsisartut Suleriaasiata misissuataarneqarneranut atatillugu Naalackersuisunut apeqqutit pillugit § 37-p erseqqisarneqarnissaa pisariaqartoq paasinarsisimavoq,

Inatsisartut Naalackersuisullu pillugit Inatsisartut inatsisaanni § 12-imi aalajangersarneqarpoq Inatsisartunut ilaasortat pisortat suliassaarfii pillugit paasissutissanik Naalackersuisunut apeqquteqarnikkut pissarsinissaminnut periarfissaqartut.

Naalackersuisunut apeqqutit pillugit inatsimmi § 12-imut nassuiaatini ilaatigut makku oqaatigineqarput:

“”Pisortat susassarisaat”-nik oqarneq annertuumik isumaqartillugu paasineqassaaq, pissutsillu pisortanit aalajangersaavigineqartut aalajangiivigineqartulluunniit imaluunniit inuiaqatigiit ataatsimut soqutigisaannik allatigut eqquisut tamaasa ilaatissinnaallugit.

”Paasissutissat”-nik oqarnermi pissusiviusut kiisalu inatsiseqartitsineq pillugu paasissutissat kiisalu naalackersuinikkut naliliinerit siunertallu pillugit paasissutissat ilaatinneqarput.

Naalackersuisut eqqortumik takutitsisumik sukumiisumillu akissuteqarnissaq

naalackersuisoqarfimmi pisussaaffittut pisussaaffigaat, Naalackersuisullu apeqqut erseqqinnerusumik qulaajarniarlugu tamanna pisariaqarpat naleqquttumik ilungersuuteqartariaqarlutik. Naalackersuisut apeqqummut akissuteqarsinnaanatik isumaqarpata tamanna Inatsisartunut nalunaarutigineqassaaq. Naalackersuisunut ilaasortat akisussaatinneqartarnerat pillugu Inatsisartut inatsisaat atuuttoq innersuussutigineqarsinnaavoq, tassangalu erserpoq Naalackersuisunut ilaasortaq Inatsisartunut paasissutissanik suliamut pingaaruteqartunik eqqunngitsunik paatsoortitsisinnaasunilluunniit paasissutissiissanngitsoq. Naalackersuisunut ilaasortaq aammattaaq suliap Inatsisartuni suliarineqarnerani paasissutissanik Inatsisartut suliamik naliliiviginninnerannut pingaaruteqartunik aammattaaq nipangiussissanngilaq.

Naalackersuisut paasissutissanik imaaliillaannaq nipangiussissanngillat, taakku isertuussassaannerat pissutigalugu, tassungali taarsiullugu nalunaarutigisinnaallugu paasissutissanik pissutsit erseqqinnerusumik taaneqartut pissutigalugit ingerlateqqinneqarsinnaanngitsunik peqartoq. Paasissutissat pisortat ingerlatsinerat pillugu paasitinneqarsinnaatitaaneq pillugu malittarisassani pineqartunut ilaatinneqartut Inatsisartunut tamanut ammasumik ingerlateqqinneqarsinnaajuaannarput. Tamatuma saniatigut paasissutissanik isertuussassanik Naalackersuisunit Inatsisartunut ingerlatitseqqinneq pissutissaqartuaannarpoq, tamanna inatsimmi immikkut aalajangersakkamit akornutissaqartinneqanngippat.”

Taamaalilluni isumaqarnarpoq Inatsisartut Naalackersuisullu pillugit Inatsisartut inatsisaanni § 12-imut aallaaviusooq pisortat suliaasaataat pillugit § 37 malillugu apeqqutinut suogaluartunulluunniit eqqortumik takutitsisumik sukumiisumillu akissuteqartarnissaq Naalackersuisut naalackersuisoqarfimmi pisussaaffittut pisussaaffigigaat, tamannalu taamaallaat killilerneqarsimalluni Naalackersuisut apeqqut erseqqinnerusumik qulaajarniarlugu tamanna pisariaqarpat “naleqquttumik ilungersuuteqartariaqar[nerannik]”, taamatullu aamma paasissutissat isertuussassat paasissutissanik nalunaaruteqartarnissamut pisussaaffimmut ilaatinneqannginnerannit.

Suleriaatsimili § 37, imm. 2-mi aalajangersakkami atuuttumi aalajangersarneqarpoq Naalackersuisut “apeqqut akissuteqarfigisinnaanagu” nalunaarpata, taava suliap suliarinera “taamaalilluni naammassineqassa[soq]”. Taamatut oqaasertaliisimaneq Folketingip suleriaasiani § 20, imm. 4-mi oqaasertaliunneqarsimasup assigaa, ministerillu ilaasortap apeqqutaanut akissuteqarnissamut pisussaaffeqannginneranik malitseqartut isigineqartarluni. Taamaaqataanik oqaasertaliisimaneq (“Naalackersuisut apeqqummut akissuteqarsinnaanatik isumaqarpata”) Inatsisartut inatsisaanni § 12-imut nassuiaatini ilaavoq.

Taamaattumik tamanna tunngavigalugu Inatsisartut Suleriaasianni § 37, imm. 2-mi aamma Inatsisartut Naalackersuisullu pillugit Inatsisartut inatsisaanni § 12-imut nassuiaatini

taamatorpiaq taamaaqataanilluunniit oqaasertaliisimaneq nalornilersitsisinnaavoq Inatsisartunut ilaasortat apeqqutaannut akissuteqarnissamut Naalakkersuisut pisussaaffeqarnerisut, taamaattoqarpallu qanoq annertutigisumik.

Taamatut nalorngissuteqarsinnaaneq pissusissamisuumngilaq, taamaattumillu suleriaatsimi § 37-p nutarterneqarnissaa pisariaqartutut isigineqarsimalluni. Nutarterinissamik pisariaqartitsineq taamatuttaaq pisariaqalersimavoq ukiuni kingullerni pisuni assigiinngitsuni Naalakkersuisunit akissuteqarnissamut pisussaaffiup piunasaqaatillu § 37 malillugu apeqqutinut atuuttut sumut killeqarneri apeqquserneqartarsimammata.

§ 37-ip nutaamik oqaasertalernissaanik siunnersuutip malitsigissavaa pisortat suliaasaataat pillugit apeqqutit akissuteqarfigineqartarnissaannut Naalakkersuisut pisussaaffilerneqarmata. Pissutsilli imaatsillugit pisussaaffik atuuttassanngilaq:

- Naalakkersuisut paasissutissanik akissuteqarnissaminnut atugassaminnik pissarsisinnaanngippata.
- Piffissarujussuaq nukippassuillu paasissutissanik akissuteqarnissamut atugassanik pissarsiniarnermut atortariaqassappata.
- Paasissutissat kissaatigineqartut nipangiussisussaataitanermut ilaatinneqarpata.

§ 37 malillugu apeqquteqarsinnaaneq Inatsisartut Naalakkersuisunik nakkutilliinerannut ilaavoq, akissuteqaataasartullu Inatsisartut inatsisiliortussaataasutut (aningaasaliissutinillu akuersissuteqartussaataasutut) ingerlatsineranni ilaasortat ataasiakkaat peqataanerannut sakkussaalluni pingaarutilik. Akissuteqaatit tamanut saqqummiunneqartarnerisigut Naalakkersuisut suliaat inuiaqatigiinnilu pissutsit pillugit innuttaasut paasisimasaqarnissaat peqatigitillugu qularnaarneqartarpoq. Taamaattumik Naalakkersuisut akissuteqarnissamut pisussaaffiata killilerneqarnissaanut siunnersuutigineqartukkut § 37 malillugu apeqqutit akissuteqarfigineqarnissaannut pisussaaffiup pisariaqanngitsumik killilerneqannginnissaa pingaartutut isiginiarneqarsimasut ilagaat.

Nutaamik oqaasertaliinissamik siunnersuutikkut massakkumut suleriaasiusimasoq peqatigitillugu inatsisinngorlugu aalajangersarneqassaaq, taamaalillunilu apeqqutinik assigiinngitsunik normulersukkanik naqinnilersukkanilluunniit ataasiinnarmilli tunngavilersukkanik apeqquteqartoqarsinnaassalluni. Suleriaaseq tamanna § 37, imm. 1-ip atuuttup oqaasertaanut tamakkiisumik naapertuunnersoq Naalakkersuisunit apeqquserneqartarsimavoq.

Suleriaatsimi § 37-p allanngortinneqarnerata aatsaat 2020-mi juulip ulluisa aallaqqaataanni atuutilernissaa siunnersuutigineqarpoq. Allanguut akuersissutigineqarpat Siulittaasoqarfik piffissaqalissaaq Inatsisartut Naalakkersuisullu pillugit Inatsisartut inatsisaanni § 12-ip

allanngortinneqarnissaanut siunnersuuteqarnissamut, allannguutip atuutilerneraniit Naalakkersuisunut apeqqutit pillugit suleriaatsimi aamma Inatsisartut inatsisaanni aalajangersakkat akornanni tamakkiisumik naapertuuttoqarnissaa qularnaarniarlugu.

2.7. Inatsisartut ukiuata aallartittarnerata ukiakkullu ataatsimiinnerup ammarneqartarnerata immikkoornerisa erseqqissarneqarnerat

Inatsisartut ukiuat septembarip qaammataani tallimanngornerit aappaanni aallartittartoq ukiullu tulliani tallimanngorneq taanna tikillugu ingerlasartoq suleriaatsimi aalajangersarneqarpoq. Ukiakkut ataatsimiinnerup aallartittarnerata Inatsisartut ukiuata aallartittarneranut attuumassuteqannginneranik ullumikkut suleriaasiusup erseqqissarneqarnissaa pisariaqartinneqartoq paasineqarsimavoq.

UKA 2019 taamaalilluni septembarimi tallimanngornerit pingajuanni aallartippoq UKA 2018-ilu septembarimi tallimanngornerit sisamaanni aallartilluni. Suleriaatsimi oqaasertaliisimanerup ullumikkut suleriaasiusoq naapertorlugu naleqqussarneqarnissaa siunnersuutigineqarpoq. Oqaasertaliussassatut siunnersuutigineqartup taamaalilluni Inatsisartut Naalakkersuisullu pillugit Inatsisartut inatsisaanni § 10, imm. 2-p oqaasertai assigai.

2.8. Apeqquteqaatit aallaavigalugit oqallinnerit eqqarsaatigalugit tunniussinissamut piffissaliineq

Ullumikkut apeqquteqaat aallaavigalugu oqallinnissamik siunnersuutit ingerlaavartumik nalunaarutigineqarsinnaapput. Tamanna 1999-ip tungaanut ajornarsimangilaq 2015-imilu januaarip ulluisa aallaqqaataanni atuutilersumik eqquteqqinneqarluni oqallinnerit nalitsinni pisunik annerusumik aallaaveqarnissaat qularnaarniarlugu.

Takuneqarsinnaavorli apeqquteqaat aallaavigalugu oqallinnissamik siunnersuutit ataatsimiinnerni kingullerni amerliartungaatsiarsimasut¹, katersuunnerillu qanoq sivisutiginissaannik pilersaarutaagaluartoq apeqquteqaat aallaavigalugu oqallinnissamik siunnersuuterpassuarnit katersuunnerup naajartulernerani tunniunneqartarsimasunit ilaatigut unammillerneqartarsimalluni.

Apeqquteqaat aallaavigalugu oqallinnissamik siunnersuutit ingerlaavartumik

¹ UPA 19: apeqquteqaat aallaavigalugu oqallinnerit 29-it (arfinillit UKA 19-imut kinguartinneqarput marlullu tunuartinneqarlutik)

UKA 18: apeqquteqaat aallaavigalugu oqallinnerit 20-it (tallimat kinguartinneqarput tallimallu tunuartinneqarlutik)

UKA 17: apeqquteqaat aallaavigalugu oqallinnerit 13-it

UPA 17: apeqquteqaat aallaavigalugu oqallinnerit 11-it

UKA 16: apeqquteqaat aallaavigalugu oqallinnerit 11-it

UPA 16: apeqquteqaat aallaavigalugu oqallinnerit 13-it

tunniunneqarsinnaalernerannik misilittakkat tunngavigalugit taamaattumik siunnersuutigineqarpoq apeqquteqaat aallaavigalugu oqallinnissamik siunnersuutitut tunniussinissamut piffissarititaq katersuunnissaq sioqqullugu siunnersuutitut allanut atuuttoq taanna eqquteqqinneqassasoq, tassalu katersuunnissap aallartinnissaa sapaatit akunnerinik tallimanik sioqqullugu.

2.9. Ullormi ataatsimiiffiusussami tullermi oqaluuserisassani immikkoortut nalunaarutigineqassaarneri

Ullormut Inatsisartut ataatsimiittarfianni ataatsimiiffiusussamut tullermut oqaluuserisassani immikkoortut ataasiakkaat ullumikkut ataatsimiinnerup naammassinnginnerani ataatsimiinnermik aqutsisumit nalunaarutigineqartarput. Suleriaatsip tamatuma atorunnaarsinneqarnissaa siunnersuutigineqarpoq, suleriaaseq piffissamit Inatsisartut nittartagaqalinnnginnerannit amiakkuuvoq. Ilaasortat, atorfillit susassaqtullu allat nittartakkap atornissaa sungiutereerpaat, tassanimi ulluni ataasiakkaani oqaluuserisassat nassaassaammata.

2.10. Inatsisartut Siulittaasoqarfiannut sinniisussat Inatsisartut ataatsimiinnerinik aqutsisinnaalernerat

Inatsisartut Siulittaasuata imaluunniit siulittaasup tulliata siulliup, aappaata, pingajuata sisamaatalu Inatsisartut ataatsimiinnerinik aqutsisussaataitanerat suleriaatsimi aalajangersarneqarsimavoq. Siulittaasoqarfimmut sinniisussat ataatsimiinnermik aamma aqutsisarnerat ullumikkut suleriaasiuvoq. Suleriaatsip tamatuma suleriaatsimi allassimalernissaa taamaattumik siunnersuutigineqarpoq, Siulittaasoqarfimmut sinniisussat ataatsimiinnermik aqutsisinnaanerat taamaalilluni inatsisitigut tunngavissinneqassammat.

2.11. Inatsisartut nersornaasiisarneri taamaaqataannillu tunniussisarneri pillugit aalajangersakkap atorunnaarnera

Suleriaatsimi atuuttumi aalajangersarneqarpoq Inatsisartunit nersornaasiinissat taamaaqataannillu tunniussinerit tamatigut matoqqasumik ataatsimiissutigineqartassasut. Inatsisartut nersornaasiisarunnaarlutillu taamaaqataannik tunniussissaarnikuupput. Taamaattumik aalajangersakkap atorunnaarsinneqarnissaa siunnersuutigineqarpoq. Nersornaat Siulittaasoqarfimmit tunniunneqartarpoq.

2.12. Inatsisartut aalajangiiffigisassaattut siunnersuutitut Inatsisartunut ilaasortanit saqqummiunneqartunut atatillugu piffissat oqaaseqarfiusinnaasut allanngortinneqarneri
Inatsisartut aalajangiiffigisassaattut siunnersuutitut Inatsisartunut ilaasortanit saqqummiunneqartut oqaluuserineqarnerini ”malitsitut oqaaseqarnernut akissuteqarnernullu” piffissaq oqaaseqarfiusinnaasooq ullumikkut minutsit marluupput. Piffissap oqaaseqarfiusinnaasup minutsiniit marlunniit ataatsimut sivikillineqarnissaa siunnersuutigineqarpoq.

”Apeqquutit akissutillu tamaasa” eqqarsaatigalugit ullumikkut piffissaq oqaaseqarfiusinnaasoq minutsit marluupput. Piffissap oqaaseqarfiusinnaasup minutsiniit marlunniit ataatsimut sivikillineqarnissaa siunnersuutigineqarpoq.

Piffissat oqaaseqarfiusinnaasut taaneqartut sivikillineqarnissaannut tunngaviuvoq UPA2019-imi akunnermut apeqquteqarfiusinnaasumut atatillugu Inatsisartut minutsimik ataatsimik sivisussusilimmik naatsumik apeqquteqartarnej akissuteqartarnerlu misilimmassuk iluatsilluartumik.

2.13. Apeqquteqaat aallaavigalugu oqallinnernut atatillugu piffissat oqaaseqarfiusinnaasut allanngortinneqarneri

5. april 2019-imi partiit Inatsisartunut ilaasortaataqartut siulittaasuisa ataatsimiinneranni apeqquteqaat aallaavigalugu oqallinnissamik siunnersuutit suliarineqarnissaannut piffissat oqaaseqarfiusinnaasut sivikillisinneqarsinnaagaluartut ersersinneqarpoq. Tamanna tunngavigalugu apeqquteqaat aallaavigalugu oqallinnernut atatillugu piffissat oqaaseqarfiusinnaasut assigiinngitsutigut allanngortinneqarnissaat siunnersuutigineqarpoq. Allanguutit oqallinnerit naannerullutillu eqeersimaarfiunerunissaat siunertaaraat.

Ullumikkut Naalakkersuisut saqqummiussinissaannut akissuteqaateqarnissaannullu pineqartut tamaasa eqqarsaatigalugit piffissaq oqaaseqarfiusinnaasoq minutsit quliupput. Siunnersuummi tamanna allanngortinneqarpoq Naalakkersuisut saqqummiussinerannut minutsit tallimanngorlugit akissuteqaateqarnerannullu aamma minutsit tallimanngorlugit. Piffissap oqaaseqarfiusinnaasup minutsinut tallimanut sivikillineqarnerani Inatsisartut aalajangiiffigisassaattut siunnersuutit Inatsisartunut ilaasortanit saqqummiunneqartut siullermeerneqarneranni piffissat oqaaseqarfiusinnaasunut saqqummiussinermut minutsit tallimaanerannit Naalakkersuisullu akissuteqarnerannut minutsit aamma tallimaanerannit sunnerneqarsimavoq.

”Malitsitut oqaaseqarnerit akissuteqarnerillu” kiisalu “Apeqquutit akissutillu tamarmik” ataanni piffissat oqaaseqarfiusinnaasut Inatsisartut aalajangiiffigisassaattut siunnersuutit Inatsisartunit ilaasortanit saqqummiunneqartut assigalugit minutsiniit marlunniit minutsimut ataatsimut sivikillineqarnissaat siunnersuutigineqarpoq UPA2019-imi akunnermut apeqquteqarfiusinnaasumut atatillugu misiliinermut misilittakkat pitsaasut tunngavigalugit.

Tamatuma saniatigut siunnersuutigineqarpoq ”Naalakkersuisut naggataarutaasumik oqaaseqarnerat” atorunnaassasoq, oqaaseqarnissaq immikkoortumi aalajangiiviusussaannngitsumi pisariaqanngitsutut isigineqarsinnaammat.

2.14. Akunnermut apeqquteqarfiusinnaasumut atatillugu piffissat oqaaseqarfiusinnaasut allanngortinneqarneri

Akunnermi apeqquteqarfiusinnaasumi piffissat oqaaseqarfiusinnaasut ullumikkut tassaapput

apeqquteqarnermut minutsit marluk apeqqutinullu Naalakkersuisut akissuteqarnerannut minutsit marluk. Piffissat oqaaseqarfiusinnaasut minutsiniit marlunniit minutsimut ataatsimut sivikillineqarnissaat siunnersuutigineqarpoq. Malitseqartitsilluni apeqquteqarnernut malitseqartitsillunilu apeqqutinut akissuteqarnernut ullumikkut minutsimi ataatsimi oqaaseqarsinnaanerup peerneqarnissaa siunnersuutigineqarpoq, tamanna pisariaqanngitsutut isigineqarsinnaammat. Taarsiullugu nutaamik apeqquteqartoqarsinnaassaaq.

2.15. Sivisunerusumik oqaaseqarsinnaanermik qinnuteqartarnermut piffissaliussap allanngortinneqarnera.

Sivisunerusumik oqaaseqarsinnaanissamik saaffiginnissutit eqqarsaatigalugit ilanngussami 1-imi immikkoortumi kingullermi ullumikkut oqaasertaliisimanerup sukaammerneqarnissaa siunnersuutigineqarpoq, sivisunerusumik oqaaseqarsinnaanissamik saaffiginnissutit tunniunneqareernissaannut aalajangersimasumik killissaliilluni. Siulittaasoqarfimmut saaffiginnissutit ataatsimiinnissaq pineqartoq ullormik ataatsimik sioqqullugu ullup qeqqartinnagu tunniunneqareersimanissaat erseqqinnerusumik siunnersuutigineqarpoq. Pisuni immikkorluinnaq ittuni piffissaliussap taassuma sanioqqunneqarsinnaanissaa Siulittaasoqarfiup akuerisinnaavaa.

2.16. Inatsisartunut ilaasortat najuutinngikkallartarnerinut malittarisassat.

Inatsisartunut ilaasortaq ukununnga atatillugu najuutinngikkallarnissaminut akuerineqarsinnaavoq:

- Nammineq napparsimaguni sivisunerpaamik qaammatisiutit ullui malillugit ullunik 14-inik sivisussuseqartussatut naatsorsuutigineqartumik
- Timmisartut ilaaffissaagaluit taamaatinneqarnerat kinguartinneqarneralluunniit pissutigalugit akornuserneqaruni.

Suleriaatsimut ilanngussami 2-mi § 8-mi atuuttumi aalajangersarneqarpoq tamatuma saniatigut najuutinngikkallarnissaaq aatsaat akuersissutigineqarsinnaasoq, pisuni Siulittaasoqarfiup naliliinera malillugu *Inatsisartunut ilaasortap napparsimaneranut pissutissaqavissumilluunniit akornuserneqarluni najuutinnginneranut assersuunneqarsinnaasumik pingaaruteqartuni.*

Siulittaasoqarfiup misigisareerpaa najuutinngikkallarnissamik qinnuteqaammik itigartitsineq naapertuutinngitsutut isigineqarsinnaasortoq, ullumikkulli § 8-p oqaasertalerneqarnera nalornilersitsilersinnaalluni Siulittaasoqarfik ilumut tamatumunnga akuersissuteqartarsinnaanersoq.

Aalajangersakkap atuuffigisinnaasaatut assersuutitut taaneqarsinnaapput najuutinngikkallarnissamik qinnuteqaatit ernerisap panigisalluunniip apersortinnissaanut peqataasinnaanissamik Inatsisartunut ilaasortap kissaataanik, imaluunniit aapparisap

napparsimmavimmi uninnganerani meeqqami paarisinnaanissaannik Inatsisartunut ilaasortap kissaataanik tunngavilersugaasut.

Ulluinnarni pisuni taamaattumi taamaaqataanniluunniit Siulittaasoqarfik najuutinngikkallartarnissamik killilimmik akuersisarsimavoq. Siulittaasoqarfiulli kissaatiginartissimavaa taamatut akuersissuteqartarnenut inatsisitigut tunngavigisap erseqqissarneqarnissaa.

Siunnersuutikkut suleriaatsimut ilanngussami 2-mi § 8 erseqqissarneqarpoq. Siunnersuutigineqarpoq § 8 ima oqaasertalerneqassasoq Siulittaasoqarfik pisut § 7-imi ilaatinneqartut (tassani ullut 14-it tikillugit napparsimanerup allatulluunniit akornuserneqarnerup) saniatigut najuutinngikkallarnissamut akuersisinnaasunngortillugu taamatut qinnuteqarneq *ilaqutariiussumi isiginiagassanik pingaarutilinnik imaluunniit pissutsinik immikkut ittunik allanik tunngaveqarpat Siulittaasoqarfiup naliliinera malillugu itigartissallugu naapertuuttussaannngitsumik.*

2.17. Piffissat sulinnigiffeqarfiusut najuutinngikkallarnierillu nalunaarsorneqarnissaannut pisussaaffiup ukiumoortumik nalunaarummit peerneqarnera

Suleriaatsimut ilanngussami 2-mi § 11 naapertorlugu Inatsisartunut ilaasortat sulinnigiffeqarallartarnerisa najuutinngikkallartarnerisalu kisitsisitigut nalunaarsorneqarneri, Inatsisartunut ilaasortat ataasiakkaat namminerisamik inuuneqarnissamut piginnaatitaaffiinik ataqqinnilluni mianersuussisumik ilusilerlugit, Inatsisartut ukiumoortumik nalunaarutaannut ullumikkut ilanngunneqartartussaapput. Ukiumoortumik nalunaarummi taamatut naatsorsuusiornissamut pisussaaffiup atorunnaarsinneqarnissaa siunnersuummi siunnersuutigineqarpoq.

Inatsisartut Naalakkersuisullu pillugit Inatsisartut inatsisaanni § 4, imm. 1 naapertorlugu Inatsisartunut ilaasortaanerup inuiaqatigiinnit toqqagaanikkut suliassiissutitut pisussaaffiunera aalajangersakkamut atuuttumut tunuliaqutaavoq. Suleriaatsimi aalajangersagaq 2015-imi suleriaatsimi allanngortitsisoqarmat ilanngunneqarpoq, najuutinngikkallarneq sulinnigiffeqarnerlu pissutigalugit Inatsisartunut ilaasortat atuuffimminnit qanoq sivisutigisumik peqarsimannginnersut kikkut tamarmik takusinnaaniassammassuk. Inatsisartut ingerlataannut piareersimanissamut naapertuuttumillu peqataaffiginissaannut ilaasortat pisussaaffeqarnerat aallaaviuvoq, taamaattumillu tamanna pissutigalugu najuussinnaanngikkaangamik sulinnigiffeqarnissamik il.il. Siulittaasoqarfimmut qinnuteqartartussaallutik. Ukiumoortumik nalunaarummi kisitsisitigut paasissutissani ilaasortap aqqa aamma sulinnigiffeqarneq najuutinngikkallarnierluunniit pissutigalugit piffissat najuutinngiffiit ullui ilisimatitsissutigineqartarput.

Ukiumoortumik nalunaarummi kisitsisitigut paasissutissat paasissutissiissutitut nalingat

killeqarpoq, Inatsisartunut ilaasortat ataasiakkaat namminerisamik inuuneqarnissamut piginnaatitaaffii sutigut tamatigut ataqqineqartussaammata. Tamatumunnga peqatigitillugu kisitsisitigut paasissutissat suliarinerinut allaffissornikkut nukissat atorneqangaatsiartarput. Naatsorsuusiornissamut pisussaaffik peerneqarpat Siulittaasoqarfik siunissami tamanna pillugu saaffiginnittoqartillugu Inatsisartunut ilaasortat najuutinngikkallarneri pillugit paasissutissanik tunniussisoqassanersoq aalajangiisalersussaavoq. Siulittaasoqarfiup aalajangiinerisa Inatsisartunut ilaasortat ataasiakkaat namminerisamik inuuneqarnissamut piginnaatitaaffii ataqqissavaat.

2.18. Sinniisussanik ataatsimiigiaqqusisarnernut ullumikkut suleriaasiusup suleriaatsimi atuuttussangortinneqarnera

Ullumikkut suleriaasiusumi (ilanngussaq 2, § 14) aalajangersarneqarpoq ilaasorta q sulinnigiffeqarallarnissamut akuerineqarsimappat allatulluunniit Inatsisartut taakkuluunniit ataatsimiititaliaasa ataatsimiinnerinut pissutissaqavilluni najuunnissaminut akornuserneqarsimappat, partii kattusseqatigiilluunniit Inatsisartunut ilaasortap sinniisussanik aggersaanissamik Inatsisartut Siulittaasoqarfiannut qinnuteqarsinnaasoq.

Ullumikkut aalajangersimasumik suleriaaseqartoqarpoq Inatsisartunut Ilitsersuummi atuarneqarsinnaasumik. Tassani allassimavoq: *”Sinniisussamik aggersaasoqassanersoq Siulittaasoqarfimmit aalajangerneqartarpoq. Ataatsimiittarfimmi ilaasortat agguataagaanerisa allannguuteqarnera pissutigalugu sinniisussamik aggersaannginneq Inatsisartut aalajangiinerannut sunniuteqartussaannngitsutut nalilerneqarpat ullunit 14-iniit sivikinnerusumik najuutinnginnermut sinniisussamik nalinginnaasumik aggersaasoqarneq ajorpoq.”*

Siunnersuutikkut ullumikkut nalinginnaasumik suleriaasiusoq suleriaatsimi atuuttussangortinneqarpoq.

2.19 Ullumikkut inatsisitigut atuuttunik allannguutissatullu siunnersuummik sanilliussineq

Siunnersuut ullumikkut inatsisitigut atuuttunut sanilliullugu	
<i>Oqaasertaliussat atuuttut</i>	<i>Allannguutissatut siunnersuut</i>
	§ 1
	Inatsisartut Suleriaasianni 12. november 2010-meersumi, 22. september 2011-mi, 29. maj 2012-imi, 28. maj 2015-imi aamma 1. juni 2016-imi allangortinneqartumi,

	tulliuttut allanngortinneqassapput:
	<p>1. § 12-ip kingornanut § 12 a-tut ilanngunneqassaaq: ” § 12 a. Paasissutissanik atortussanilluunniit isertuussassanik ataatsimiititaliaq suliarinnissatillugu ataatsimiititaliap aalajangersinnaavaa ataatsimiititaliap ataatsimiinnera oqaluuserisassaniluunniit immikkoortup aalajangersimasup suliarineqarnera internettimut attaveqarani atortunillu elektroniskiusunik assersuutigalugu oqarasuaatinik angallattakkanik, qarasaasianik tabletinillu atortoqarani ingerlanneqassasoq. <i>Imm. 2.</i> Ataatsimiititaliap aalajangersinnaavaa ataatsimiinnermi atortussat isertuussassat tamarmik taamaallaat pappiaranngorlugit pigineqassasut ataatsimiititaliallu ataatsimiinnerani suliarineqareerunik uterteqqinneqarlutik.”</p>
<p><i>Imm. 3.</i> Ataatsimiititalianut, siunnersuisoqatigiinnut aamma aalajangiisartutut ataatsimiititalianut il.il. ilaasortassanik marlunnik amerlanerusunilluunniit qinersisoqassatillugu qanoq amerlassuseqarneq najoqqutaralugu qinersisoqartassaaq.</p>	<p>2. § 26, imm. 3, ima oqaasertaqassaaq: ” <i>Imm. 3.</i> Ataatsimiititalianut, siunnersuisoqatigiinnut aalajangiisartutullu ataatsimiititalianut il.il. ilaasortanik marlunnik amerlanerusunilluunniit qinersisoqassatillugu qanoq amerlatigisunik ilaasortaatitaqarneq najoqqutaralugu qinersisoqartassaaq, taamaattorli § 26 a aamma 26 b takukkit.”</p>
	<p>3. § 26-p kingornanut ilanngunneqassaaq: ” § 26 a. Naalagaaffiit Peqatigiit ataatsimeersuarnerannut sinniisuutitassanik marlunnik taakkulu sinniisussaannik marlunnik qinersisarneq paarlakaaajaalluni</p>

	<p>peqataatitaqartarnermik najoqqutaqarneq malillugu pisarpoq, imaalillugu: Partii ilaasortaatitaqarnerpaaq kattusseqatigiilluunniit ilaasortaatitaqarnerpaat ilaasortaqassutsikkullu tulliuttut tamarmik immikkut qinersinerup kingorna ukiumut siullermut sinniisuutitassaminnik ataatsimik taassumalu sinniisusaaanik ataatsimik qinersissapput. Partiit kattusseqatigiilluunniit ilaasortaatitaqassutsikkut pingajuat sisamaallu qinersinerup kingorna ukiut aappaannut sinniisuutitassaminnik ataatsimik taassumalu sinniisusaaanik ataatsimik qinersissapput. Partiit kattusseqatigiilluunniit ilaasortaatitaqassutsikkut tallimaat arferngallu qinersinerup kingorna ukiut pingajuannut sinniisuutitassaminnik ataatsimik taassumalu sinniisusaaanik ataatsimik qinersissapput. Partiit kattusseqatigiilluunniit ilaasortaatitaqassutsikkut arfineq-aappaat arfineq-pingajuallu qinersinerup kingorna ukiut sisamaannut sinniisuutitassaminnik ataatsimik taassumalu sinniisusaaanik ataatsimik qinersissapput.</p> <p><i>Imm. 2.</i> Sinniisuutitaq taassumalu sinniisusaa parteeqatigiissapput kattusseqatigeeqatigiissallutilluunniit. Partii kattusseqatigiilluunniit ataasiinnarmik ilaasortaatitaqarpat partiip kattusseqatigiilluunniit sinniisuutitaannut sinniisussamik qinersisoqassanngilaq.</p> <p><i>Imm. 3.</i> Partiit kattusseqatigiilluunniit arlallit amerlaqatigiinnik ilaasortaatitaqarpata, taakku tulleriinnerat makitsinikkut aalajangerneqassaaq.</p>
--	--

	<p><i>Imm. 4.</i> Inatsisartuni partiit kattusseqatigiillu amerlassusii katillugit arfineq-pingasunit ikinneruppata paarlakaajaanek aallaqqaataaniit aallarteqqinneqassaaq partiit kattusseqatigiillu tamarmik sinniisuutitaqarnissaminut periarfissaqareerpata.</p> <p><i>Imm. 5.</i> Sinniisuutitaasartussat tullerriaarnerat qinersinerup kingorna inissitsiterfiusumik ataatsimiinnermi aalajangersarneqassaaq qinigaaffimmullu tamarmut atuutissalluni.</p> <p>§ 26 b. Nunat Avannarliit Siunnersuisoqatigiiffiannut sinniisuutitassanik marlunnik taakkulu sinniisussaannik marlunnik qinersisarneq paarlakaajaalluni peqataatitaqartarnermik najoqqutaqarneq malillugu pisarpoq, imaalillugu: Partii ilaasortaatitaqarnerpaaq partiilu ilaasortaatitaqarnerpaap tullia kattusseqatigiilluunniit tamarmik immikkut qinersinerup kingorna ukiumut siullermut sinniisuutitassaminnik ataatsimik taassumalu sinniisussaannik ataatsimik qinersissapput. Partiit kattusseqatigiilluunniit ilaasortaatitaqassutsikkut pingajuat sisamaallu tamarmik immikkut qinersinerup kingorna ukiut aappaannut sinniisuutitassaminnik ataatsimik taassumalu sinniisussaannik ataatsimik qinersissapput. Partiit kattusseqatigiilluunniit ilaasortaatitaqassutsikkut tallimaat arferngallu tamarmik immikkut qinersinerup kingorna ukiut pingajuannut sinniisuutitassaminnik ataatsimik</p>
--	---

	<p>taassumalu sinniisusnaanik ataatsimik qinersissapput. Partiit kattusseqatigiilluunniit ilaasortaataqassutsikkut arfineq-aappaat arfineq-pingajuallu tamarmik qinersinerup kingorna ukiut sisamaannut sinniisuutitassaminnik ataatsimik taassumalu sinniisusnaanik ataatsimik qinersissapput.</p> <p><i>Imm. 2.</i> Sinniisuutitaq taassumalu sinniisussaa parteeqatigiissapput kattusseqatigeeqatigiissallutilluunniit. Partii kattusseqatigiilluunniit ataasiinnarmik ilaasortaataqarpat partiip kattusseqatigiilluunniit sinniisuutitaannut sinniisussamik qinersisoqassanngilaq.</p> <p><i>Imm. 3.</i> Partiit kattusseqatigiilluunniit arlallit amerlaqatigiinnik ilaasortaataqarpata, taakku tullerinnerat makitsinikkut aalajangerneqassaaq.</p> <p><i>Imm. 4.</i> Inatsisartuni partiit kattusseqatigiillu amerlassusii katillugit arfineq-pingasunit ikinneruppata paarlakaajaaneeq aallaqqaataaniit aallarteqqinneqassaaq partiit kattusseqatigiillu tamarmik sinniisuutitaqarnissaminnut periarfissaqareerpata.</p> <p><i>Imm. 5.</i> Sinniisuutitaasartussat tulleriarnerat qinersinerup kingorna inissitsiterfiusumik ataatsimiinnermi aalajangersarneqassaaq qinigaaffimmullu tamarmut atuutissalluni.”</p>
<p><i>Imm. 2.</i> Siunnersuuteqartoq Siulittaasoqarfiup akuersineratigut siunnersuutip siullermeerlugu oqaluuserineqalinnginnerani siunnersuutini</p>	<p>4. § 29, imm. 2, ima oqaasertaqassaaq: ” <i>Imm. 2.</i> Suleriaatsimut Ilanngussaq 1-imi oqaaseqarnissamut piffissarititat naapertorlugit siunnersuuteqartoq periarfissaqarpoq Siulittaasoqarfimmit</p>

<p>taassumalu kingunerisassai pillugit naatsumik nassuiaateqarsinnaavoq.</p>	<p>akuerineqarluni siullermeerinninnermut saqqummiussinermini siunnersuut kingunerisassaalu pillugit naatsumik nassuiaateqarnissaminut.”</p>
<p>§ 33. Inatsisartunut ilaasortap, partiip Naalakkersuisulluunniit inatsisiliornissamik imaluunniit inatsimmik pioreersumik allanngortitsinissamik atorunnaarsitsinissamilluunniit siunnersuutaat inatsisartut aalajangiiffigisassaattut siunnersuutitut saqqummiunneqartassapput. Siunnersuut tunngavilersugaassaaq siunnersuutillu aningaasatigut allaffissornikkullu kingunerisassai allaaserineqarsimassallutik, aalajangiiffigisassatut ilusilerneqarsimassalluni taaguuserneqarsimallunilu.</p>	<p>5. § 33, imm. 1, ima oqaasertaqassaaq: ” Ilaasortamit, partiimit Naalakkersuisunilluunniit inatsisiliornissamik imaluunniit inatsisiliornernik atuuttunik allanngortitsinissamik atuukkunnaarsitsinissamilluunniit siunnersuutit Inatsisartut aalajangiivigisassaattut siunnersuutitut saqqummiunneqartassapput. Siunnersuut tunngavilersugaassaaq, aalajangiiffigisassatut ilusilerlugu allanneqarsimassalluni qulequtserneqarsimassallunilu.”</p>
	<p>6. § 33-imi imm.1-ip kingornanut immikkoortutut nutaatut ilanngunneqassaaq: ” <i>Imm. 2.</i> Inatsisartut aalajangiiffigisassaattut Naalakkersuisut siunnersuutaasa aningaasatigut allaffissornikkullu kingunerisassaasa allaaserineqarnissaat Naalakkersuisut pisussaaffigivaat. Inatsisartut aalajangiiffigisassaattut siunnersuutitut Inatsisartunit ilaasortanit partiinilluunniit saqqummiunneqartunut atatillugu akissuteqaateqarnissartik Naalakkersuisut taamatuttaaq pisussaaffigivaat. Akissuteqaammi siunnersuutip aningaasatigut allaffissornikkullu kingunerisassai aallaaserineqarsimassapput.”</p> <p>Imm. 2-8 tamatuma kingorna imm. 3-9-nngussapput.</p>

<p><i>Imm. 6.</i> Siunnersuutit imm. 1-imi aamma 3-mi taaneqartut saniatigut Naalakkersuisunit siunnersuutit tulliini taaneqartut Inatsisartut aalajangiiffigisassaattut siunnersuutit suliarineqartassapput:</p>	<p><i>7. § 33, imm. 6, oqaaseqatigiit siulliit, imm. 7, oqaaseqatigiit siullinngortussat, ima oqaasertaqassapput:</i> ” Siunnersuutit imm. 1-imi 4-milu taaneqartut saniatigut Naalakkersuisunit siunnersuutit uku Inatsisartut aalajangiiffigisassaattut siunnersuutit suliarineqartassapput:”</p>
<p><i>Imm. 4.</i> Apeqquteqaat aallaavigalugu oqallinnermi Inatsisartunut ilaasortat partiillu Inatsisartut oqaaseqaatissaannut siunnersuuteqarsinnaapput. Siunnersuut taamaattoq allakkatigut naatsumik tunngavilersuutitalerlugu ataatsimiinnermik aqutsisumut nalunaarutigineqassaaq, oqallinnermullu ingerlanneqartumut pissusissamisoortumik attuumassuteqartuussalluni. Inatsisartut oqaaseqaatissaannut siunnersuummut allannguutissatut siunnersuuteqartoqarsinnaanngilaq. Apeqquteqaat aallaavigalugu oqallinnermi inatsisartut oqaaseqaataat ataasiinnaq akuersissutigineqarsinnaavoq. Inatsisartut oqaaseqaatissaannut siunnersuut ataaseq akuersissutigineqarpat, Inatsisartut oqaaseqaatissaattut siunnersuutit allat, ataatsimiinnermik aqutsisumut nalunaarutigineqarsimasut, sulili taasissutigineqanngitsut, atorunnaassapput. Apeqquteqaammik oqallisiginninnerup nalaani allatut ilusilimmik aalajangiisoqarsinnaanngilaq, takukkilli §§-it 50-imiit 52-mut.</p>	<p>8. § 36, imm. 4, atorunnaassaaq.</p>
<p>§ 37. Inatsisartunut ilaasortaq pisortat suliaasaataat pillugu</p>	<p>9. § 37 ima oqaasertaqassaaq: ” § 37. Inatsisartunut ilaasortaq pisortat</p>

<p>paasissutissinneqarnissaminik kissaateqaruni tamanna Naalakkersuisunut apeqqutit saqqummiussinnaavaa. Apeqqut allaganngorlugu Inatsisartut Siulittaasuannut saqqummiunneqassaaq, taassumalu apeqqut agguaanneqareerpat Inatsisartunut nalunaarutigissavaa. Apeqqut naatsumik erseqqissumillu ilusilerneqassaaq aammalu tunngavilersuutitaqassalluni.</p> <p><i>Imm. 2.</i> Naalakkersuisut apeqqut akissuteqarfigisinnaanagu nalunaarpata suliarinera taamaalilluni naammassineqassaaq.</p> <p><i>Imm. 3.</i> Inatsisartut Siulittaasuata isumagissavaa Naalakkersuisut akissutaata apeqquteqartumut ingerlateqqinneqarnissaa, taamatullu aamma apeqqutip akissutillu Inatsisartunut ilaasortanut takusassiarineqarnissaa.</p> <p><i>Imm. 4.</i> Apeqqutit akissuteqartoqarnissaata tungaanut tunuartinneqarsinnaapput. Apeqqut allanit saqqummiunneqarsinnaanngilaq.</p> <p><i>Imm. 5.</i> Inatsisartut ataatsimiinnerisa piareersaasiorneqarnerannut atatillugu Inatsisartut Siulittaasoqarfiat sapaatip akunneranut ataasiarluni nalunaaquttap akunneranik ataatsimik sivisussusilimmik apeqquteqarfissamik aalajangersaasinnaavoq, Inatsisartunut ilaasortat oqaatigalugu nalunaarutigeqqaarnagulu Naalakkersuisunut ingerlaannartumik akisassamik apeqquteqarfigisinnaasaannik. Sapaatip akunneranut ataasiarluni nalunaaquttap akunneranik ataatsimik sivisussusilimmik apeqquteqarfissami aalajangiisoqarsinnaanngilaq. <i>Imm. 2</i> taamatuttaaq atorineqassaaq.</p>	<p>suliassaataat pillugu paasissutissinneqarnissaminik kissaateqarpat, tamanna Naalakkersuisunut apeqquteqarnikkut pisinnaavoq. Allakkatigut apeqquteqartoqassaaq Inatsisartut Siulittaasuannut tunniunneqartussamik. Inatsisartut Siulittaasuata apeqqut Naalakkersuisunut ingerlateqqissavaa, assilinera Inatsisartunut ilaasortanut allanut nassiutiitigalugu. Apeqqut naatsumik erseqqissumillu oqaasertalerneqarsimassaaq tunngavilersuutitaqassallunilu. Ataatsimik assigiimmillu tunngavilersuutitaqarluni arlalinnik apeqquteqaraanni apeqqutit normulersorneqarsimassapput naqinnerilluunniit malillugit tulleriinnilersorneqarsimassallutik.</p> <p><i>Imm. 2.</i> Naalakkersuisut apeqqummut akissuteqarnissaminnut pisussaaffeqanngillat:</p> <ol style="list-style-type: none"> 1) Naalakkersuisut paasissutissanik akissuteqarnissaminnut atugassaminnik pissarsisinnaanngippata, 2) malunnartumik piffissaq nukissallu paasissutissanik akissuteqarnissamut atugassanik pissarsiniarnermut atortariaqassappata atortariaqassappata, imaluunniit 3) paasissutissat kissaatigineqartut nipangiussisussaatitaaanermut ilaatinneqarpata. <p><i>Imm. 3.</i> Akissutip ilusissaa pillugu apeqquteqartup kissaatigisaanut Naalakkersuisut pituttorsimannngillat.</p> <p><i>Imm. 4.</i> Naalakkersuisut akissuteqaataat Inatsisartut Siulittaasuannut tunniunneqartassaaq, taassumalu akissut apeqquteqartumut ingerlateqqittassallugu, assilinera Inatsisartunut ilaasortanut allanut</p>
--	--

	<p>nassiutiitigalugu.</p> <p>Imm. 5. Apeqqutit akissuteqarfigineqarnissamik tungaanut tunuartinneqarsinnaapput. Apeqqutit allanit saqqummiuteqqinneqarsinnaanngillat.</p> <p>Imm. 6. Apeqqutit Inatsisartut nittartagaanni tamanut saqqummiunneqartassapput. Apeqqutit isertuussassatut naqissuserneqarsimanngikkunik Inatsisartut nittartagaanni tamanut saqqummiunneqartassapput.</p> <p>Imm. 7. Inatsisartut ataatsimiinnerisa piareersaasioqarnerannut atatillugu Inatsisartut Siulittaasoqarfiat sapaatip akunneranut ataasiarluni nalunaaquttap akunneranik ataatsimik sivisussusilimmik apeqquteqartarfissamik aalajangersaasinnaavoq, Inatsisartunut ilaasortat malaatiinnarlugu nalunaarutigeqqaarnagulu Naalakkersuisunut ingerlaannartumik akisassamik apeqquteqarfigisinnaasaannik. Naalakkersuisut nalunaarpata apeqqut akissuteqarfigisinnaanagu suliarinera taamaalilluni naammassineqassaaq. Sapaatip akunnikkaartumik akunnermi apeqquteqarfiusartumi aalajangiisoqarsinnaanngilaq.”</p>
<p>Imm. 4. Inatsisartut ukiakkut ileqquusumik ataatsimiinnerminni inatsisartut ukiuanni ileqquusumik ataatsimiinnissamik qaqugu pinissaat aalajangertassavaat.</p>	<p>10. § 38, imm. 4, ima oqaasertaqassaaq: ” Imm. 4. Inatsisartut ileqquusumik katersuunnermi Inatsisartut tullianik ileqquusumik katersuunnissaannut piffissaq ataatsimiiffiusussaq aalajangissavaat.”</p>
<p>Imm. 2. Imm. 1-imi piffissaliussaq § 36 naapertorlugu apeqquteqaatit nalunaarutigineqarnerannut atuutinngilaq. §</p>	<p>11. § 40, imm. 2, atorunnaassaaq.</p>

<p>36 naapertorlugu apeqquteqaat nalunaarutigineqarnermi kingorna siusinnerpaamik ullut suliffiusut aqqaneq-marluk qaangiutereerneranni oqaluuserisassanut ilanngunneqarsinnaavoq, taamaattorli § 41 takujuk.</p>	
<p><i>Imm. 2.</i> Taassuma saniatigut ullup Inatsisartut ataatsimiiffiata naammassinnginnerani ullormi tullianik ataatsimiiffissami oqaluuserisassat ataatsimiinnermik aqutsisumit nalunaarutigineqareertassapput.</p>	<p>12. § 43, imm. 2, atorunnaassaaq. Imm. 3-4 tamatuma kingorna imm. 2-3-nngussapput.</p>
<p>§ 47. Inatsisartut Siulittaasuat imaluunniit tullia siulleq, aappaa, pingajuat aamma sisamaat isumaqatigiissuteqarnertik malillugu Inatsisartut ataatsimiinnerannik aqutsisassapput.</p>	<p>13. § 47, imm. 1, ima oqaasertaqassaaq: ” Inatsisartut Siulittaasua imaluunniit siulittaasup tullia siulliup, tullia aappaata, pingajuata sisamaataluunniit taakkuluunniit sinniisussaasa akunnerminni isumaqatigiissut malillugu Inatsisartut ataatsimiinneri aquttarpat.”</p>
<p><i>Imm. 2.</i> Taamaattorli Inatsisartunit nersornaasiinissat taamaaqataannillu tunniussinerit tamatigut matoqqasumik ataatsimiissutigineqartassapput. § 24 naapertorlugu siunnersuisoqatigiiffinnut, aalajangiisartutut ataatsimiititalianut il.il. sinniisussanik qinersinerit taamatuttaq tamatigut matoqqasumik ingerlanneqartassapput.</p>	<p>14. § 53, imm. 2, ima oqaasertaqassaaq: ” <i>Imm. 2.</i> § 24 naapertorlugu siunnersuisoqatigiinnut aalajangiisartutullu ataatsimiititalianut il.il. sinniisuutitassanik qinersinerit tamatigut matoqqasumik ingerlanneqartassapput.”</p>
<p>§ 55. Inatsisartut ataatsimiissutaat Inatsisartut Siulittaasoqarfiata nakkutigisaanik kalaallisut danskisullu tamanut saqqummiunneqartassapput. Saqqummiussineq Inatsisartut nittartagaatigut pisassaaq.</p>	<p>15. § 55 ima oqaasertaqassaaq: ” § 55. Inatsisartut Siulittaasoqarfiata Inatsisartut isumaqatigiinniarneri Inatsisartut nittartagaanni kalaallisut qallunaatullu tamanut saqqummiuttassavai.”</p>

<p>Inatsisartut aalajangiiffigisassaattut siunnersuutit Inatsisartunut ilaasortanit saqqummiunneqartut:</p> <p>Siullermeerinnineq Saqqummiussineq 5 min. Naalakkersuisut akissuteqaataat 5 min. Partiit oqaaseqarneri 15 min. (Partii ataaseq apeqqutit 3) Malitsitut oqaaseqarnerit akissuteqarnerillu 2 min. Naalakkersuisut naggataarutaasumik oqaaseqarnerat 5 min. (Partii ataaseq apeqqutit 2) Siunnersuuteqartup naggataarutaasumik oqaaseqarnera 5 min. (Partii ataaseq apeqqutit 2) (Apeqqutit akissutillu tamarmik minutsit marluk)</p> <p>Aappassaaneerinnineq – Allannguutissatut siunnersuuteqartoqanngippat Naalakkersuisut akissuteqaataat 5 min. Partiit oqaaseqarneri 2 min. (Partii ataaseq apeqqutit 3) Malitsitut oqaaseqarnerit akissuteqarnerillu 2 min. Naalakkersuisut naggataarutaasumik oqaaseqarnerat 5 min. (Partii ataaseq apeqqutit 2) Siunnersuuteqartup naggataarutaasumik oqaaseqarnera 5 min. (Partii ataaseqapeqqutit 2) (Apeqqutit akissutillu tamarmik minutsit marluk)</p> <p>Aappassaaneerinnineq – Allannguutissatut siunnersuuteqartoqarsimappat</p>	<p>16. Ilanngussaq 1-imi, Oqaaseqarnissamut piffissarititat, immikkoortoq ”Inatsisartut aalajangiiffigisassaattut siunnersuutit Inatsisartunut ilaasortanit saqqummiunneqartut:” ima oqaasertaqassaaq: ” Siullermeerinnineq Saqqummiussineq 5 min. Naalakkersuisut akissuteqaataat 5 min. Partiit oqaaseqarneri 15 min. (Partii ataaseq apeqqutit 3) Malitsitut oqaaseqarnerit akissuteqarnerillu 1 min. Naalakkersuisut naggataarutaasumik oqaaseqarneri 5 min. (Partii ataaseq apeqqutit 2) Siunnersuuteqartup naggataarutaasumik oqaaseqarnera 5 min. (Partii ataaseq apeqqutit 2) (Apeqqutit akissutillu tamarmik minutsi ataaseq)</p> <p>Aappassaaneerinnineq – Allannguutissatut siunnersuuteqartoqarsimannngippat Naalakkersuisut akissuteqaataat 5 min. Partiit oqaaseqarneri 2 min. (Partii ataaseq apeqqutit 3) Malitsitut oqaaseqarnerit akissuteqarnerillu 1 min. Naalakkersuisut naggataarutaasumik oqaaseqarneri 5 min. (Partii ataaseq apeqqutit 2) Siunnersuuteqartup naggataarutaasumik oqaaseqarnera 5 min. (Partii ataaseq apeqqutit 2) (Apeqqutit akissutillu tamarmik minutsi ataaseq)</p>
--	--

<p>Naalakkersuisut akissuteqaataat 5 min. Partiit oqaaseqarneri 10 min. (Partii ataaseq apeqqutit 3) Malitsitut oqaaseqarnerit akissuteqarnerillu 2 min. Naalakkersuisut naggataarutaasumik oqaaseqarnerat 5 min. (Partii ataaseq apeqqutit 2) Siunnersuuteqartup naggataarutaasumik oqaaseqarnera 5 min. (Partii ataaseq apeqqutit 2) (Apeqqutit akissutillu tamarmik minutsit marluk)</p>	<p>Aappassaaneerinnineq – Allannguutissatut siunnersuuteqartoqarsimappat Naalakkersuisut akissuteqaataat 5 min. Partiit oqaaseqarneri 10 min. (Partii ataaseq apeqqutit 3) Malitsitut oqaaseqarnerit akissuteqarnerillu 1 min. Naalakkersuisut naggataarutaasumik oqaaseqarneri 5 min. (Partii ataaseq apeqqutit 2) Siunnersuuteqartup naggataarutaasumik oqaaseqarnera 5 min. (Partii ataaseq apeqqutit 2) (Apeqqutit akissutillu tamarmik minutsi ataaseq)”</p>
<p>Apeqquteqaat aallaavigalugu oqallinnerit: Saqqummiussineq 10 min. Naalakkersuisut akissuteqaataat 10 min. Partiit oqaaseqarneri 10 min. (Partii ataaseq apeqqutit 3) Malitsitut oqaaseqarnerit akissuteqarnerillu 2 min. Naalakkersuisut naggataarutaasumik oqaaseqarnerat 5 min. (Partii ataaseq apeqqutit 2) Apeqquteqaateqartup naggataarutaasumik oqaaseqarnera 5 min. (Partii ataaseq apeqqutit 2) (Apeqqutit akissutillu tamarmik minutsit marluk)</p>	<p>17. Ilanngussaq 1-imi, Oqaaseqarnissamut piffissarititat, immikkoortoq ”Apeqquteqaat aallaavigalugu oqallinnerit:” ima oqaasertaqassaaq: ”Saqqummiussineq 5 min. Naalakkersuisut akissuteqaataat 5 min. Partiit oqaaseqarneri 10 min. (Partii ataaseq apeqqutit 2) Malitsitut oqaaseqarnerit akissuteqarnerillu 1 min. Siunnersuuteqartup naggataarutaasumik oqaaseqarnera 5 min. (Partii ataaseq apeqqutit 2) (Apeqqutit akissutillu tamarmik minutsi ataaseq)”</p>
<p>Akunnerit apeqquteqarfusinnaasut: Apeqquteqarneq 2 min. Naalakkersuisut akissuteqarnerat 2 min. Malitsitut apeqqutit 1 min. Malitsitut apeqqutinut akissuteqarneq 1 min. (Akunneq ataaseq qaangiukkaangat akunneq</p>	<p>18. Ilanngussaq 1-imi, Oqaaseqarnissamut piffissarititat, immikkoortoq ”Akunnerit apeqquteqarfusinnaasut:” ima oqaasertaqassaaq: ”Apeqquteqarneq 1 min. Naalakkersuisut akissuteqarnerat 1 min.</p>

<p>apeqquteqarfiusinnaasoq naammassineqartarpoq kingulliulluni apeqqutigineqartup akineqarneratigut)</p>	<p>(Akunneq ataaseq qaangiukkaangat akunneq apeqquteqarfiusinnaasoq naammassineqartarpoq kingulliulluni apeqqutigineqartup akineqarneratigut)”</p>
<p>Sivisunerusumik oqaaseqarniaraanni tamanna ataatsimiinnissaq pineqartoq kingusinnerpaamik ulluni marlunnik (2) sioqqullugu saaffiginnittoqartariaqarpoq.</p>	<p>19. <i>Ilanngussaq 1</i>-imi, Oqaaseqarnissamut piffissarititat, ilanngussami oqaaseqatigiit kingulliit ima oqaasertaqassapput: ”Sivisunerusumik oqaaseqarniarluni saaffiginnissutit ataatsimiinnissaq pineqartoq ullormik ataatsimik sioqqullugu ullup qeqqartinnagu tunniunneqareersimassapput. Pisuni immikkorluinnaq ittuni piffissaliussap taassuma sanioqqunneqarnissaa Siulittaasoqarfiup akuerisinnaavaa.”</p>
<p>§ 8. Pisunut § 7-imi taaneqartut ittuunngitsunut atatillugu najuutinngikkallarnissamut Inatsisartut Siulittaasoqarfiat akuersissuteqarsinnaavoq, tamanna Inatsisartunut ilaasortap napparsimaneranut pissutissaqavissumilluunniit akornuserneqarluni najuutinnginneranut assersuunneqarsinnaasumik pingaaruteqartutut pisoq Siulittaasoqarfiup nalilerpagu. Aalajangersagaq taanna malillugu akuersissut taamaallaat siumut isigisumik nalunaarutigineqarsinnaavoq.</p>	<p>20. <i>Ilanngussaq 2</i>-mi § 8 ima oqaasertaqassaaq: ” § 8. Pisunut § 7-imi taaneqartut inngitsunut atatillugu qaammatisiutit malillugit ullut 14-it tikillugit najuutinngikkallarnissamut Inatsisartut Siulittaasoqarfiat akuersissuteqarsinnaavoq, taamatut qinnuteqarneq ilaqutariiussutsimi isiginiagassanik pingaarutilinnik imaluunniit pissutsinik immikkut ittunik allanik tunnaveqarpat Siulittaasoqarfiup naliliinera malillugu itigartissallugu naapertuuttussaannngitsumik.”</p>
<p>§ 11. Inatsisartunut ilaasortap sulinnigiffeqarallartarnerisa najuutinngikkallartarnerisalu kisitsisitigut nalunaarsorneqarneri, Inatsisartunut ilaasortat ataasiakkaat namminerisamik inuuneqarnissamut piginnaatitaaffiinik ataqqinnilluni mianersuussisumik</p>	<p>21. <i>Ilanngussaq 2</i>-mi § 11 atorunnaarsinneqassaaq.</p>

<p>ilusilerlugit, Inatsisartut ukiumoortumik nalunaarutaannut ilanngunneqartassapput.</p>	
	<p>22. Ilanngussaq 2-mi, § 14-imi imm.1-ip kingornanut immikkoortutut nutaatut ilanngunneqassapput: ” <i>Imm. 2.</i> Inatsisartut Siulittaasoqarfiat taamaallaat imm. 1 malillugu sinniisussamik ataatsimiigiaqqusisassaaq Inatsisartunut ilaasortaq sivikinnerpaamik ulluni 14-ini peqassanngikkaangat, taamaattoq imm. 3 takujuk. <i>Imm. 3.</i> Inatsisartut Siulittaasoqarfiata sivikinnerpaamik ulluni 14-ini peqannginnissaq imm. 2-mi taaneqartoq sanioqqussinnaavaa sinniisussamik ataatsimiigiaqqusinninneq Inatsisartut ataatsimiittarfianni ilaasortaatitaqarnerup allanngorneratigut Inatsisartut aalajangiisarnerisa inernerinut sunniuteqarsinnaappat.” Imm. 2 tamatuma kingorna imm. 4-nngussaaq.</p>
	<p style="text-align: center;">§ 2</p> <p>Allannguutit 1. januar 2020-mi atuutilissapput, taamaattoq imm. 2 takujuk. <i>Imm. 2.</i> § 37 1. juli 2020-mi atuutilissaaq. <i>Imm. 3.</i> § 26 a aamma § 26 b tunngavigalugit sinniisuutitassanik taakkulu sinniisussaannik qinersineq 2020-mi upernaakkut ataatsimiinnermi siullermeerutaasumik ingerlanneqassaaq.</p>

3. Pisortanut aningaasatigut allaffissornikkullu kingunerisassai

Inatsisartunut ilaasortat partiillu aalajangiiffigisassatut siunnersuutaasa aningaasatigut allaffissornikkullu kingunerisassaasa naatsorsorneqartarnerinut Naalakkersuisut Naalakkersuisullu allaffeqarfiisa allaffissornermut piffissamik atuinerulernermikkut suliassaqarnerulernerat nukissanillu atuinerulernerat siunnersuutip malitsigissavaa.

Taamaaqataanik aningaasatigut allaffissornikkullu kingunerisassat naatsorsorneqartarnerinut partiit allaffeqarfiini Inatsisartut Allattoqarfiannilu aningaasatigut sulisutigullu nukissat atorneqartartut annikinnerulissapput.

Inatsisartunut ilaasortat Inatsisartunilu partiit aalajangiiffigisassatut siunnersuusiorminnut atatillugu amerlanertigut Inatsisartut Allattoqarfiannit ikiorserneqakkajuttarput, siunnersuutip kingunerisassaasa allaaserinerinut imaluunniit pitsaassusiisa qularnaarneqarnerinut.

Inatsisartunut ilaasortat ukiuni kingullermi ataatsimiinnernermut ataatsimut aalajangiiffigisassatut siunnersuutinik 60-it missaannik saqqummiussaqaartarput. Inatsisartut Allattoqarfiata missingerpaa siunnersuutip kingunerisassaasa allattoqarfimmit allaaserineqarnerinut piffissaq atorneqartartoq agguaqatigiissillugu minutsinit 10-15-init siviluneruneq ajortoq.

Kingunerisassanik allaaserinninnerit ullumikkornit annertunerulerlutillu sukumiinerulernissaat siunnersuutikkut siunertarineqanngilaq.

Pisuni ataasiakkaani Inatsisartut Allattoqarfiat siunnersuutip kingunerisassaasa qulaajarneqarsinnaanissaanut paasissutissanik pisariaqartunik pissarsinissaminut akuttunngitsumik periarfissaqarneq ajorpoq. Taamaattoqartillugu Inatsisartunut ilaasortaq pineqartoq Inatsisartut Allattoqarfiannit § 37 malillugu apeqquteqarnikkut siunnersuutip eqqarsaatigineqartup kingunerisassaasa qulaajarniarneqarnissaannut innersuunneqartarpoq, pisariaqarpat Inatsisartut Allattoqarfiannit ikiorneqarluni.

Kingunerisassat allaaserineqarnissaannut akisussaaffiup siunnersuuteqartumiit Naalakkersuisunut nuunneqarnissaanik siunnersuut § 37 malillugu apeqqutit ikilinerulaarnissaannik kinguneqarnissaa taamaalilluni naatsorsuutigineqartariaqarpoq.

Siunnersuuteqartup siunnersuutip kingunerisassaanik nassuiaateqartussaajunnaarneratigut ilaasortat siunnersuutaasa amerlilaarsinnaanissaat, taamalu aamma akissuteqaasiorminnut aalajangiiffigisassatullu siunnersuutip ataatsimiitaliami suliarineqarneranut allaffissornikkut nukiit atorneqartussat annertuserialaarnissaat, naatsorsuutigineqartariaqarpoq.

Apeqquteqaalli aallaavigalugu oqallinnissamik siunnersuutit qaqugukkut tunniunneqareersimanissaannik piffissaliinerup eqquteqqinneqarnissaanik siunnersuut akerlianik naatsorsuutigineqartariaqarpoq apeqquteqaat aallaavigalugu oqallinnissamik siunnersuutit ikilinerannik, taamalu aamma siunnersuummut akissuteqaasiornissamut allaffissornikkut nukiit pisariaqartinneqartut annikillinerannik, nassataqarumaartoq.

§ 37-ip nutaamik oqaasertalerneqarnissaannik siunnersuummi § 37 malillugu apeqqutit akissuteqarfigineqarnissaannut Naalakkersuisut pisussaaffiat erseqqissarneqarpoq. Ullumikkut pisusaaffiup tamatuma sumut killeqarnera annertuumik nalorninartortaarpoq. § 37 malillugu apeqqummik pisortat suliassaataannut tunngasumik paasissutissanik isertuussassanik ingerlatitseqqinngikkaluarluni Naalakkersuisunullu ilungersorujussuaqqaarani akissuteqarfigineqarsinnaasumik akissuteqannginnissaminnut Naalakkersuisut pisinnaatitaanersut nalornissuteqarnermi annerusumik pineqarpoq.

Ulluinnarnili sulinermi § 37 malillugu apeqqutit taamaattut akissuteqarfigineqakkajupput, taamaattumillu nutaamik oqaasertaliinissamik siunnersuutip killeqangaatsiartumik allaffissornikkut kinguneqarnissaa naatsorsuutigisariaqarluni.

Ataatsimut isigalugu suleriaatsip allanngortinneqarnissaanik siunnersuutip ukioq naallugu sulisumik amerlanerpaamik affarmit ataatsimut naapertuuttumik Naalakkersuisut allaffissornikkut nukissanik atuinerata annertuseriarnissaanik kinguneqarnissaa naatsorsuutigineqarpoq. Pisariaqartumilli nukissanik atuinissamat ilaatigut aalajangiiffigisassatut siunnersuutit § 37 malillugulu apeqqutit amerlassusii taakkulu sukumiinerusumik pissusii apeqqutaassapput, taamaattumillu missingiineq nalorninartortaqaalarluni.

4. Inuussutissarsiortunut aningaasatigut allaffissornikkullu kingunerisassai

Siunnersuut inuussutissarsiortunut kinguneqassanngilaq.

5. Avatangiisinut, pinngortitamut innuttaasullu peqqissusiannut kingunerisassai

Siunnersuut avatangiisinut, pinngortitamut innuttaasullu peqqissusiannut kinguneqassanngilaq.

6. Innuttaasunut kingunerisassai

Sulinngiffeqarneq najuutinngikkallarnerlu tunngavigalugit Inatsisartunut ilaasortat najuutinnginneri pillugit paasissutissinneqarumagunik innuttaasut tusagassiorfiillu siunissami Inatsisartut Siulittaasoqarfiannut saaffiginnittariaqarnissaat siunnersuutip malitsigissavaa. Piffissat najuutinngiffiusut ullumikkut Inatsisartut ukiumoortumik nalunaarutaanni takuneqarsinnaapput.

7. Kingunerisassai taasariallit allat

Siunnersuut taasarialinnik allanik kinguneqassanngilaq.

8. Oqartussanik suliniaqatigiiffinnillu il.il. tusarniaaneq

Siunnersuut tamanut tusarniaatigineqarsimannngilaq, siunnersuut annerusumik Inatsisartut suleriaasiannut sulinerminnilu atugarisaannut attuumassuteqarmat. Siunnersuut

Naalakkersuisut Siulittaasuata Naalakkersuisoqarfianut Aningaasaqarnermut Naalakkersuisoqarfimmullu tusarniaatigineqarsimavoq. Tusarniaaneq pillugu allakkiaq ilanngussatut ilanngunneqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Aalajangersagaq nutaajuvoq. Qarasaasiaqarnikkut isumannaallisaanissamik pisariaqartitsinerup annertusiartornera, taamatullu aamma paasissutissanik atortussanillu isertuussassanik susassaqaqqangitsunut apuuttoqarsinnaanerata annikillisarneqarnissaanik pisariaqartitsineq aalajangersakkamut tunngaviuvoq. Isumannaallisaaneq ilaatigut siuarsarneqarsinnaavoq oqaluuserisassani immikkoortup aalajangersimasup oqaluuserineqarnerani imaluunniit ataatsimiititaliap ataatsimiinnerani tamarmiusumi nipinik videunilluunniit immiussinissamut assiliinissamulluunniit inerteqquteqarnikkut. Isumannaallisaaneq taamatuttaaq annertusineqarsinnaavoq susassaqaqqangitsunullu apuussisinnaaneq killilerneqarluni assersuutigalugu ataatsimiinnermi atortussat isertuussassaat taamaallaat pappiaranngorlugit tunniunneqartalernerisigut ataatsimiititaliamilu suliarineqareerneramik kingorna uterteqqinneqartarnerisigut.

Atortut elektroniskiusut atorineqanginnissaannik aalajangerneq ataatsimiititaliami isumaqatigiissutigineqangippat, tamanna taasisitsinikkut nalinginnaasumik amerlanerussuteqarnikkut pisinnaavoq.

Atortunik elektroniskiusunik taaguineq tamakkiisuunngilaq.

Nr. 2-mut

§ 26 a-mut § 26 b-mullu innersuussinermik § 26, imm. 3-mut ilassuteqarneq qinerseriaatsip allanngortinneqarnissaanik siunnersuutigineqartumut tunngavoq, tassami Naalagaaffiit Peqatigiit ataatsimeersuarnerinut Nunallu Avannarliit Siunnersuisoqatigiiffiannut sinniisuutitassat taakkulu sinniisussaat qassinik ilaasortaataqarneq apeqqaatillugu qinerneqassaarlutik paarlakaajaattumik qinerneqartalissammata. Nr. 3-mut nassuiaatit sukumiinerusumik innersuussutigineqarput.

Nr. 3-mut

Paarlakaajaalluni peqataatitaqartarnissamik najoqqutassaq siunnersuutigineqartoq nutaaq Nunat Avannarliit Siunnersuisoqatigiiffiannut Naalagaaffit Peqatigiillu

ataatsimeersuarnerannut sinniisuutitassanik taakkulu sinniisussaannik qinersisarneq eqqarsaatigalugit assigiipput.

§ 26 a-mi siunnersuutigineqarpoq Naalagaaffiit Peqatigiit ataatsimeersuarnerinut sinniisuutitassat taakkulu sinniisussaasa siunissami paarlakaajaalluni peqataatitaqartarneq nutaaq malillugu qinerneqartalissasut, taamaalillunilu partiit kattusseqatigiilluunniit arfineq-pingasut tikillugit qinigaaffiup ataatsip ingerlanerani Naalagaaffiit Peqatigiit ataatsimeersuarnerinut sinniisuutitaqarsinnaalerlutik.

Aalajangersakkakut siunertarineqarpoq ullumikkut qassinik ilaasortaatitaqarneq aallaavigalugu qinerseriaatsimut taarsiullugu qinerseriaatsikkut partiit amerlanerusut ilaasortaatitaat Naalagaaffiit Peqatigiit sulinerat pillugu ilisimasaqalernissamut misilittagaqalernissamullu periarfissaqalernissaat.

Partii ilaasortaatitaqarnerpaaq kattusseqatigiilluunniit ilaasortaatitaqarnerpaat ilaasortaqaassutsikkullu tulliuuttut tamarmik immikkut qinersinerup kingorna ukiumut siullermut sinniisuutitassaminnik ataatsimik taassumalu sinniisussaannik ataatsimik qinersissapput. Partiit kattusseqatigiilluunniit ilaasortaatitaqassutsikkut pingajuat sisamaallu qinersinerup kingorna ukiut aappaannut sinniisuutitassaminnik ataatsimik taassumalu sinniisussaannik ataatsimik qinersissapput. Partiit kattusseqatigiilluunniit ilaasortaatitaqassutsikkut tallimaat arferngallu qinersinerup kingorna ukiut pingajuannut sinniisuutitassaminnik ataatsimik taassumalu sinniisussaannik ataatsimik qinersissapput. Partiit kattusseqatigiilluunniit ilaasortaatitaqassutsikkut arfineq-aappaat arfineq-pingajuallu qinersinerup kingorna ukiut sisamaannut sinniisuutitassaminnik ataatsimik taassumalu sinniisussaannik ataatsimik qinersissapput.

Assersuutigalugu qinigaaffiup aallartinnerani Inatsisartuni partiit arfineq-marluinnaappata kattusseqatigeeqanngippallu, taava qinigaaffiup ukiuisa sisamaanni partiit ilaasortaatitaqassutsikkut arfineq-aappaat partiilu ilaasortaatitaqarnerpaaq sinniisuutitaqassapput.

Qinigaaffik	Naalagaaffiit Peqatigiit ataatsimeersuarneranni sinniisuutitat marluk	Naalagaaffiit Peqatigiit ataatsimeersuarneranni sinniisuussat marluk
Qinersinerup kingorna ukioq siulleq	Partii ilaasortaatitaqarnerpaaq tullialu	Partii ilaasortaatitaqarnerpaaq tullialu
Qinersinerup kingorna ukiut aappaat	Partii ilaasortaatitaqarnerpaat	Partii ilaasortaatitaqarnerpaat

	pingajuat sisamaallu	pingajuat sisamaallu
Qinersinerup kingorna ukiut pingajuat	Partii ilaasortaatitaqarnerpaat tallimaat arferngallu	Partii ilaasortaatitaqarnerpaat tallimaat arferngallu
Qinersinerup kingorna ukiut sisamaat	Partii ilaasortaatitaqarnerpaat arfineq-aappaat arfineq- pingajuallu	Partii ilaasortaatitaqarnerpaat arfineq-aappaat arfineq- pingajuallu
Assersuut ukiut sisamaat partiit arfineq-marluuppata	Partii ilaasortaatitaqarnerpaat arfineq-aappaat partiilu ilaasortaatitaqarnerpaaq	Partii ilaasortaatitaqarnerpaat arfineq-aappaat partiilu ilaasortaatitaqarnerpaaq

Naatsorsuutigineqarsinnaavoq partiip Naalagaaffiit Peqatigiit ataatsimeersuarnerannut sinniisuutitassamik taassumalu sinniisussaanic qinersisussap partiip nammineq ilaasortaatitaasa akornanni qinersinissaa. Tunngaviusumilli partii pineqartoq aamma periarfissaqarpoq partiimit allamit, taakku tamatumunnga piareersimappata, sinniisuutitaqarnissaminut. Piumasaqaataavorli sinniisuutitap taassumalu sinniisussaata partiinit kattusseqatigiinnilluunniit assigiinngitsuniinnginnissaat.

Partii kattusseqatigiilluunniit ataasiinnarmik ilaasortaatitaqarpat partiip kattusseqatigiilluunniit sinniisuutitaannut sinniisussanic qinersisoqassanngilaq.

Partiit kattusseqatigiillu sinniisuutitaqarnissaminut tulleriinneri qinigaaffiup aallartinnerata kingorna katersuunnermi siullermi aalajangersarneqassapput qinigaaffimmullu tamarmut atuutissallutik. Partiit kattusseqatigiilluunniit marluk amerlanerilluunniit amerlaqatigiinnik ilaasortaatitaqarpata tulleriinnerat makitsinikkut aalajangerneqassaaq.

Qinerseriaaseq paarlakaajaallunilu peqataatitaqartarneq siunnersuummi § 2, imm. 3 naapertorlugu 2020-imi upernaakkut ataatsimiinnermi siullermeerutaasumik atorneqassapput.

§ 26 b-mi siunnersuutigineqarpoq Nunat Avannarliit Siunnersuisoqatigii ffiannut sinniisuutitassat taakkulu sinniisussaasa siunissami paarlakaajaalluni peqataatitaqartarneq nutaaq malillugu qinerneqartalissasut, taamaalillunilu partiit kattusseqatigiilluunniit arfineq-pingasut tikillugit qinigaaffiup ataatsip ingerlanerani Nunat Avannarliit Siunnersuisoqatigii ffiannut sinniisuutitaqarsinnaalerlutik

Aalajangersakkakkut siunertarineqarpoq ullumikkut qassinik ilaasortaatitaqarneq aallaavigalugu qinerseriaatsimut taarsiullugu qinerseriaatsikkut partiit amerlanerusut

ilaasortaatitaat Nunat Avannarliit Siunnersuisoqatigiiffiata sulinera pillugu ilisimasaqalernissamut misilittagaqalernissamullu periarfissaqalernissaat. Inuit ukiumi ataatsimi sinniisuutitaasut ukiup tulliani sinniisussatut inissineqartarnerisigut Nunat Avannarliit Siunnersuisoqatigiiffianni sulinermik ataqatigiissumik pilersitsinissaq siunertaavortaaq.

Partii ilaasortaatitaqarnerpaaq kattusseqatigiilluunniit ilaasortaatitaqarnerpaat ilaasortaatitaqassutsikkullu tulliuuttut tamarmik immikkut qinersinerup kingorna ukiumut siullermut sinniisuutitassaminnik ataatsimik taassumalu sinniisussaanic ataatsimik qinersissapput. Qinersinerup kingorna ukiut aappaannut partiit kattusseqatigiilluunniit ilaasortaatitaqassutsikkut pingajuat sisamaallu tamarmik immikkut sinniisuutitassaminnik ataatsimik taassumalu sinniisussaanic ataatsimik qinersissapput. Qinersinerup kingorna ukiut pingajuannut partiit kattusseqatigiilluunniit ilaasortaatitaqassutsikkut tallimaat arferngallu tamarmik immikkut sinniisuutitassaminnik ataatsimik taassumalu sinniisussaanic ataatsimik qinersissapput. Qinersinerup kingorna ukiut sisamaannut partiit kattusseqatigiilluunniit ilaasortaatitaqassutsikkut arfineq-aappaat arfineq-pingajuallu tamarmik immikkut sinniisuutitassaminnik ataatsimik taassumalu sinniisussaanic ataatsimik qinersissapput.

Assersuutigalugu qinigaaffiup aallartinnerani Inatsisartuni partiit arfineq-marluinnaappata, taamatullu aamma kattusseqatigeeqanngippat, taava qinigaaffiup ukiuisa sisamaanni partiit ilaasortaatitaqassutsikkut arfineq-aappaat partiilu ilaasortaatitaqarnerpaaq sinniisuutitaqassapput, partiit ilaasortaatitaqassutsikkut tallimaat arferngallu sinniisussaartitsisut.

Qinigaaffik	Nunat Avannarliit Siunnersuisoqatigiiffiannut sinniisuutitat marluk	Nunat Avannarliit Siunnersuisoqatigiiffiannut sinniisussat marluk
Qinersinerup kingorna ukioq siulleq	Partii ilaasortaatitaqarnerpaaq tullialu	Partii ilaasortaatitaqarnerpaaq tullialu
Qinersinerup kingorna ukiut aappaat	Partii ilaasortaatitaqarnerpaat pingajuat sisamaallu	Partii ilaasortaatitaqarnerpaat pingajuat sisamaallu
Qinersinerup kingorna ukiut pingajuat	Partii ilaasortaatitaqarnerpaat tallimaat arferngallu	Partii ilaasortaatitaqarnerpaat tallimaat arferngallu
Qinersinerup kingorna ukiut sisamaat	Partii ilaasortaatitaqarnerpaat arfineq-aappaat arfineq-	Partii ilaasortaatitaqarnerpaat arfineq-aappaat arfineq-

	pingajuallu	pingajuallu
Assersuut ukiut sisamaat partiit arfineq-marluuppata	Partii ilaasortaataitaqarnerpaat arfineq-aappaat partiilu ilaasortaataitaqarnerpaaq	Partii ilaasortaataitaqarnerpaat arfineq-aappaat partiilu ilaasortaataitaqarnerpaaq

Naatsorsuutigineqarsinnaavoq partiip Nunat Avannarliit Siunnersuisoqatigiiffiannut sinniisuutitassamik taassumalu sinniisussaanik qinersisussap partiip nammineq ilaasortaataitaasa akornanni qinersinissaa. Tunngaviusumilli partii pineqartoq aamma periarfissaqarpoq partiimit allamit, taakku tamatumunnga piareersimappata, sinniisuutitaqarnissaminut. Piumasaqaataavorli sinniisuutitap taassumalu sinniisussaata partiinit kattusseqatigiinnilluunniit assigiinngitsuniinnginnissaat.

Partii kattusseqatigiilluunniit ataasiinnarmik ilaasortaataitaqarpat partiip kattusseqatigiilluunniit sinniisuutitaannut sinniisussanik qinersisoqassanngilaq.

Partiit kattusseqatigiilluunniit sinniisuutitaarisassaa tulleriiaarnerat qinigaaffiup aallartinnerata kingorna katersuunnermi siullermi aalajangersarneqassaaq qinigaaffimmullu tamarmut atuutissalluni. Partiit kattusseqatigiilluunniit marluk arlallilluunniit amerlaqatigiinnik ilaasortaataitaqarpat taakku tulleriinnerat makitsinikkut aalajangerneqassaaq.

Qinerseriaaseq paarlakaajaallunilu peqataataitaqartarnek siunnersuummi § 2, imm. 3 naapertorlugu 2020-imi upernaakkut ataatsimiinnermi siullermeerutaasumik atorneqassapput.

Oqaatigineqassaaq qinerseriaaseq ullumikkut atuuttoq, taannalu malillugu Nunat Avannarliit Siunnersuisoqatigiiffiannut sinniisuutitap taassumalu sinniisussaata partiinit assigiinngitsuneersinnaanerat Nunallu Avannarliit Siunnersuisoqatigiiffianni parteeqatigiinnut suleqatigiissunut assigiinngitsunut peqataasinnaanerat Nunat Avannarliit Siunnersuisoqatigiiffiannut atatillugu pissusissamisuumngimmat. Tamanna Nunat Avannarliit Siunnersuisoqatigiiffiata sulinerani ulluinnarni sulinermi ajornartorsiutinik pilersitsisinnaasarpog sinniisussaq sinniisuutitamit Nunat Avannarliit Siunnersuisoqatigiiffianni naalakkersuinikkut suleqatigiinnut allanut ilaappat, minnerunngitsumik parteeqatigiit immikkoortut taakku marluk naalakkersuinikkut immikkut ungasikkaangata.

Paarlakaajaalluni peqataataitaqartarnerup siunnersuutigineqartup ullumikkut ajornarsorsiutaasartut aaqqiivigissavai.

Nr. 4-mut

Aalajangersakkap oqaasertalerneqarnerata oqaatsitigut erseqqissarneqarnera pineqarpoq.

Maanna erseqqinnerulerpoq suleriaatsimut ilanngussami 1-imi oqaaseqarnissamut piffissarititat naapertorlugit siunnersuuteqartoq Siulittaasoqarfimmit akuerineqarluni periarfissaqartoq siunnersuut kingunerisassaalu pillugit naatsumik nassuiaateqarnissaminut, tamannalu pisinnaasoq siullermeerinninnermut immikkoortup saqqummiunneqarnerani, suleriaatsimut ilanngussami 1-imi piffissat oqaaseqarfiusinnaasut naapertorlugit.

Nr. 5-imut

Ilaasortat partiillu aalajangiiffigisassatut siunnersuuteqartut ullumikkut pisussaaffeqarput aalajangiiffigisassatut siunnersuutip aningaasatigut allaffissornikkullu kingunerisassaalik allaaserinninnissaminut. Ilusissanut piunnaasaq tamanna 2010-mi suleriaatsimut ilanngunneqarpoq. Piffissamili qaangiuttumi siunnersuutit saqqummiunneqartut allaffissornikkut aningaasatigullu kingunerisassaalik ilaasortanut, partiinut, partiit allaffeqarfiinut Inatsisartullu Allattoqarfiannut missingeruminaassimapput, taamatut nalilersuisinnaaneq eqqarsaatigalugu paasissutissanik najoqqutassanillu imaaliallaanaq pissarsiviusinnaasut killeqarmata.

Taamaattumik siunnersuutigineqarpoq § 33, imm. 1 imatut oqaasertalerneqassasoq aningaasatigut allaffissornikkullu kingunerisassalik allaaserineqarsimanissaannik Inatsisartunut ilaasortanut partiinullu ilusissatut piunnaasaqat peerneqarluni. Taarsiullugu ataani nr. 6-ikkut siunnersuutigineqarpoq Inatsisartut aalajangiiffigisassaattut Inatsisartunut ilaasortat partiillu siunnersuutaasa aningaasatigut allaffissornikkullu kingunerisassaasa allaaserineqarnissaannut pisussaaffik Naalakkersuisunut nuunneqassasoq. Ataani imm. 6-imi allaaserineqartut Naalakkersuisut namminneq siunnersuutimik aningaasatigut allaffissornikkullu kingunerisassaalik sulilik allaaserisartussaavaat.

Nr. 6-imut

§ 33-mi imm. 2-tut aalajangersakkamik nutaamik ilanngussisoqarnissaa siunnersuutigineqarpoq Inatsisartut aalajangiiffigisassaattut Naalakkersuisut siunnersuutaasa aningaasatigut allaffissornikkullu kingunerisassaasa allaaserineqarnissaannut Naalakkersuisunik pisussaaffiliisumik. Piunnaasaqat taanna ullumikkut § 33, imm. 1-imi atuarneqarsinnaavoq.

Taamatuttaaq nutaatut siunnersuutigineqarpoq Naalakkersuisut pisussaaffilerneqassasut aalajangiiffigisassatut siunnersuutinut Inatsisartunut ilaasortanit partiinilluunniit saqqummiunneqartunut akissuteqaasiortarnissaminut siunnersuutillu allaffissornikkut aningaasatigullu kingunerisassalik akissuteqaammi allaaseralugit.

Kingunerisassalik allaaserinninneq akissuteqaammi immikkut immikkoortumi immikkoortu-niluunniit inissinneqarsinnaavoq imaluunniit pisariaqarpat akissuteqaammut ilanngussatut.

Aalajangiiffigisassatut siunnersuutit Inatsisartunut ilaasortanit Inatsisartuniluunniit partiinit saqqummiunneqartut kingunerisassaannik naliliinerit ullumikkut siunnersuummut tunngavilersuutini immikkut immikkoortuni maannamut inissinneqartarsimapput. Ulluinnarni sulinermi taakku ilanngullugit atuarneqarneq ajorput.

Akissuteqaatit oqaaseqarluni saqqummiunneqarnerini ilanngussaajunnartut ilanngunneqarneq ajorput. Kingunerisassanik allaaserinninneq akissuteqaammi immiini immikkut immikkoortuni ilanngunneqarsimapput taamaaqataanik taassuma atuarneqarnissaa pinngitsoorneqarsinnaavoq, ullumikkut suleriaatsimut naapertuuttumik.

Aalajangersagassatut siunnersuutigineqartup malitsigaa Naalakkersuisut akissuteqaamminni minnerpaamik siunnersuutip pineqartup aningaasatigut allaffissornikkullu kingunerisassai allaaserisussanngormatigit. Taamaalilluni pinngitsoorani kingunerisassanik allasserinninnissap saniatigut akissuteqaatip allanik ilaqartinneqarnissaanik Naalakkersuisut pisussaaffilerneqarnissaat akissuteqaateqarnissamik piunasaqaatip malitsiginngilaa.

Taamaalilluni Naalakkersuisunut pisariaqanngilaq allatigut siunnersuut pineqartoq isummerfigissallugu. Ulluinnarni sulinermi aalajangiiffigisassatut siunnersuutit Inatsisartunut ilaasortanit Inatsisartuniluunniit partiinit saqqummiunneqartut tamarluinnarmik siullermeerneqarnerinut Naalakkersuisut akissuteqaateqartarsimapput.

Pisuni aalajangiiffigisassatut siunnersuutikkut Inatsisartut Siulittaasoqarfiat pisussaaffilerneqartillugu inatsisissatut siunnersuummik imaluunniit Inatsisartut Suleriaasiata allanngortinneqarnissaanut siunnersuummik saqqummiussaqaarnissamut suliniutinilluunniit allanik aallartitsinissamut ullumikkut Inatsisartut Siulittaasoqarfiat akissuteqaateqartuusarsimavoq.

Suleriaatsip tamatuma allanngortinneqarnissaa aalajangersakkakut siunertarineqanngilaq. Siulittaasoqarfik akissuteqaateqassatillugu aalajangiiffigisassatut siunnersuutip kingunerisassaanik nassuaateqarnissamut pisussaaffik Siulittaasoqarfimmiissaaq.

Kingunerisassanik allaaserinninnerup ullumikkornit annertunerulernissaa (annikinnerulernissaaluunniit) sukumiinerulernissaaluunniit siunnersuutikkut siunertarineqanngilaq.

Siunnersuutip kingunerisassaattut naatsorsuutigisat allaaserineqarneranni Naalakkersuisunut ilaasortat akisussaanagerat pillugu Inatsisartut inatsisaanni § 6, imm. 2-mi piunasaqaatit Naalakkersuisunut atuutissapput. Tamatuma malitsigaa aalajangiiffigisassatut siunnersuutip sunik kinguneqarsinnaanerani naatsorsuutigisat allaaserineqarnerat pissusiviusunik ersersitsiviusussaammat, taamatullu aamma kingunerisassat naatsorsuutigineqarsinnaasut pingaarutillit suugaluartulluunniit allaaserinninnermut ilanngunneqartussaammata.

Akuttunngitsumilli kingunerisassanik allaaserinninneq (sapinngissamik tunngavissaqarluartumik) missingiinemik tunngaveqartariaqartasrpoq. Taamaattoqartillugu tamanna allaaserinninnermit takuneqarsinnaasariaqarpoq, soorlu aamma naatsorsuutigisat kingunerisassanik allaaserinninnermut tunngaviusimasut taaneqartariaqartut.

Aalajangiiffigisassatut siunnersuutip kingunerisassaasa nassuiaateqarfiginissaanut pisussaaffiup siunnersuuteqartumit Naalakkersuisunut nuunneqarnerata kingunerisa ilagissavaat eqqarsaatigineqarsinnaammat siunnersuutinik, kingunerisassaata imaaliiallaannaq nalilerneqarsinnaanngitsunik, oqaluuserisassanut ilanngussisoqartarsinnaanera. Siunnersuutip kingunerisassaasa allaaserineqarnerannut annertuumik paasissutissanik katersinissaq imaan-naanngitsunilluunniit nalilersuilluni misissuinissat pisariaqarpata Naalakkersuisut pisinnaatitaapput akissuteqaamminni oqaatigissallugu suleriaatsimi § 33, imm. 2, oqaaseqatigiinni kingullerni killiliussat iluanni siunnersuutip kingunerisassaasa sukumiisumik misissornissaat ajornartoq. Tamanna aamma atuuppoq susassaartunit avataaneersunit paasissutissat pisariaqartut aalajangiiffigisassatut siunnersuutip siullermeerneqarnissaa sioqqullugu pissarsiarineqarsinnaanngikkaangata.

Taama pisoqartillugu Naalakkersuisut pisariaqarpat allannguutissatut siunnersuuteqarsinnaassapput suliniutip eqqarsaatigineqartup kingunerisassaasa qulaajarnissaannut § 35 malillugu nassuiaasiornissaannik Naalakkersuisunik peqqusisumik.

Suleriaatsimi § 34, imm. 2-mi aalajangersagaq naapertorlugu siullermeerinninnermi Inatsisartunut ilaasortat kikkulluunniit taamatut allannguutissatut siunnersuuteqarsinnaapput, aappassaaneerinninnermilu ataatsimiititaliaq, ataatsimiititaliami amerlanerussutillit ikinnerussutillilluunniit imaluunniit Inatsisartunut ilaasortat sisamat ataatsimoorlutik allannguutissatut siunnersuuteqarsinnaallutik.

Inatsisartut Suleriaasianni § 41-kkut Inatsisartut Siulittaasoqarfiat periarfissinneqarpoq immikkorluinnaq pissutissaqartillugu suleriaatsimi piffissaliussat, tassunga ilanngullugu assersuutigalugu aalajangiiffigisassatut siunnersuutit ataatsimiinnerup aallartinnissaa sapaatit akunnerinik tallimanik sioqqullugu tunniunneqareersimanissaannik piumasaqaatip, sanioqqunneqarnissaannut. Aalajangiiffigisassatut siunnersuut aalajangersagaq taanna malillugu oqaluuserisassanut ilanngunneqarnermi kinguninngua siullermiigassanngortinneqarpat Naalakkersuisut tamanna pisariaqarpat akissuteqaammi oqaatigisinnaasariaqarpaat piffissaliussatut killiliunneqartut iluanni siunnersuutip kingunerisassaasa qulaajarneqarsinnaanissaat ajornarsimasoq.

Aalajangersagassatut siunnersuutigineqartoq aalajangiiffigisassatut siunnersuutit kingunerisassaannut Naalakkersuisut nassuiaateqarnissaannik taamaallaat

piumasaqaatitaqarpoq. Aalajangersagaq taamaalilluni aalajangiiffigisassatut siunnersuummut *allannguutissatut siunnersuutit* kingunerisassaasa nassuiaateqarfiginissaannut Naalakkersuisunik pisussaaffiliinngilaq. Taamaattorli allannguutissatut siunnersuutip kingunerisassaasa malugeqquneqarnissaannut pisussaaffik, pissutsit apeqqutaallutik, allatut tunngaveqarluni atuussinnavoq (Tamatumunnga ilanngullugu Naalakkersuisunut ilaasortat akisussaassuseqarnerat pillugu Inatsisartut inatsisaanni nr. 6-imi, 13. maj 1993-imeersumi, kingusinnerusukkut allanngortinneqartartumi, § 6, imm. 2-p naggataatungaa takoqquneqarpoq).

Siunnersuut nutaarluinnaq pineqassanngippat siunnersuutip siunertaanik imarisaanillu tunngaviulluinnartunik allannguutissatut siunnersuutip allanngortitsinnginnissaanik piumasaqaat atuuttoq (“Suussuseqarnissamik piumasaqaammik” taaneqartartoq) taamaattoq akuttunngitsumik – tamatiguunngitsorli – allannguutissatut siunnersuutip kingunerisassaasa aalajangiiffigisassatut siunnersuutaaqqaartumut kingunerissanut nassuiaammit pissarsiarineqarsinnaanerannik malitseqassaaq.

Nr. 7-imut

Normulersuinerup malitsit iluarsineqarnera pineqarpoq § 33, imm. 3 imm. 4-unnussammatt allannguutit qulaani nr. 5-imi 6-imilu taaneqartut malitsigisaannik.

Nr. 8-mut

Aalajangersakkap § 36, imm. 4-p atuukkunnaarsinneqarnera malitsigissavaa.

Atuukkunnaarsitsinikkut Inatsisartut oqaaseqaatissaannut

siunnersuuteqarsinnaajunnaartoqassaaq. Inatsisartut oqaaseqaataat naalakkersuinikkut isummanik ersersitsinerinnaasarpur Naalakkersuisunut inatsisitigut pituttuisuunngitsut.

Apeqquteqaat aallaavigalugu oqallinnermut atatillugu Inatsisartut oqaaseqaatissaannik siunnersuuteqarsinnaatitaaneq 2008-imi suleriaatsimut ilanngunneqarpoq. Apeqquteqaat aallaavigalugu oqallinnermut atatillugu Inatsisartut oqaaseqaataat akuersissutigineqartartut ulluinnarni sulinermi annerusumik sunniuteqarsimannngitsut takuneqarsinnaavoq. Tamatuma saniatigut paasinarsisimavoq aalajangersagaq ullumikkutut isikkoqartilluni ataatsimiinnermik aqutsisumit ulluinnarni aqukkuminaatsoq, tassami oqaaseqaatissap aalajangiiffigisassatut siunnersuutitut pissuseqannginnissaa ataatsimiinnermik aqutsisup ilaatigut qularnaarniartussaammagu.

Nr. 9-mut

§ 37, imm. 1-imi oqaasertaliisimanermit atuuttumut sanilliullugu makkunatigut allanngortitsisoqarnissaa siunnersuutigineqarpoq: Imm. 1 oqaasertalerneqarnermigut nutarterneqarpoq. Tamatuma saniatigut aalajangersakkap naggataatungaani oqaaseqatigiinnik nutaanik ilanngussisoqarpoq. Ataatsimik assigiimmillu tunngavilersuutitaqarluni arlalinnik

apeqquteqaraanni ullumikkut suleriaaserineqartutut apeqqutit normulersorneqarsimassasut naqinnerilluunniit malillugit tulleriinnilersorneqarsimassasut tassani erseqqissarneqarpoq.

Imm.1-imut

Aalajangersakkami oqaaseqatigiit siulliit allannqortinnagit ingerlatiinnarneqarput. Taamaalluni § 37 maillugu apeqqutit “pisortat suliassaataannut” tunngassasut suli piumasqaataavoq.

”Pisortat suliassaataannik” oqarnek tamatigoortumik paasineqassaaq, tassani pineqarlutik pissutsit tamarmik pisortanit malittarisassiuunneqarsinnaasut aalajangiivigineqarsinnaasulluunniit imaluunniit allatigut ataatsimut inuiaqatigiinni soqutigisanik attuisut, tassunga ilanngullugit aamma assersuutigalugit pissutsit aktiaateqarluni ingerlatseqatigiiffinnut namminersorlutik oqartussanit pigineqartut ingerlatsinerinut tunngasut.

§ 37 malillugu apeqqutit pisortat suliassaataannut tunnganissaanik piumasqaatit Naalackersuisunut ilaasortap nammineq inuttut atugai pillugit apeqquteqarsinnaaneq mattuppaa.

Suliassamut Naalackersuisut aalajangiivigisimasaannut partiit naalackersuisuutitaqartut ataasiakkaat qanoq isummersimanerat pillugu § 37 malillugu apeqqutit akissuteqarfigineqarnissaa Naalackersuisut ulluinnarni ingerlatsinermi itigartinnikuuaat. Suleriaatsip tamatuma allannqortinneqarnissaa aalajangersakkami siunertarineqanngilaq. Taamaattoq Naalackersuisut pisussaaffeqartariaqarput naalackersuisunut ilaasortat akisussaassuseqarnerat pillugu Inatsisartut inatsisaanni § 4 tunngavigalugu inatsisitigut naalackersuisunut ilaasortatut akisussaatisoqarsinnaanersoq paasiniallugu § 37 malillugu apeqqutit akissuteqarfigissallugit.

”Paasissutissinneqarnissamik” oqarnermi pissusiviusut inatsisitigullu pissutsit atuuttut pillugit paasissutissat kiisalu naalackersuinikkut naliliinerit siunertallu pillugit paasissutissat pineqarput.

Apeqqutit ulluinnarni nalinginnaasumik ”Naalackersuisunut” sammisinneqartarput, Naalackersuisunut ilaasortanut ataasiakkaanut sammisinneqaratik. § 37 malillugu apeqqutit qaqutigooortumik Naalackersuisunut ilaasortamut aalajangersimasumut sammisinneqassagualuarpat, taava apeqqutit pineqartoq aallaavittut naatsorsuutigineqartariaqarpoq Naalackersuisunut ilaasortamit pineqartumit akissuteqarfigineqassasoq. § 37 malillugu apeqqutit Naalackersuisunut ilaasortamut aalajangersimasumut sammisinneqarneratali Naalackersuisut pituttunngilai apeqqutit ilaasortamit pineqartumit pinngitsoorani akissuteqarfigineqarnissaanut. Tamanna Inatsisartut

Naalakkersuisullu pillugit Inatsisartut inatsisaanni § 23, imm. 1-ip malitsigaa, taanna malillugu Naalakkersuisut Siulittaasuata Naalakkersuisut akornanni suliassa qarfiit agguataartarmagit.

§ 37 malillugu apeqqutip, imaluunniit apeqqutit arlallit ataasiinnarmik tunngavilersorlugit saqummiunneqartut, akissuteqarfigineqarnissaanut atugassatut Naalakkersuisunut ilaasortamut akissuteqartussamut ilaannikkut pissusissamisoorsinnaavoq Naalakkersuisunut ilaasortamit allamit arlalinnilluunniit akissuteqarnissamut paasissutissanik akissuteqaammullu ilanngussassanik pissarsiniarnissaq.

Apeqqutit ataasiakkaat naatsumik oqaasertalerneqarsimanissaannik piumasaqaat atuuttoq aalajangersakkami ingerlateqqinneqarpoq. Piumasaqaat tamanna apeqqummut tunngavilersuummut apeqqutinulluunniit tunngavilersuutinut atuutinngilaq.

Imm. 1-imi oqaaseqatigiit aappaanni pingajuannilu aalajangersarneqarpoq § 37 malillugu apeqqutit allakkatigit apeqqutigineqartassasut Inatsisartut Siulittaasuannut tunniunneqartussamik. Inatsisartut Siulittaasuata apeqqut Naalakkersuisunut ingerlateqqissavaa, assiliner Inatsisartunut ilaasortanut allanut nassutiitigalugu. Aalajangersagaq imarisamigit suleriaatsimi atuuttumi § 37, imm. 1, oqaaseqatigiit aappaannik ingerlatitseqqiineruvoq, ullutsinnulli naapertuunnerusumik oqaasertalerneqarluni.

Inatsisartut Siulittaasuata (ulluinnarni Inatsisartut Allattoqarfiata) nakkutigissavaa § 37 malillugu apeqqutit Naalakkersuisunut ingerlateqqinneqartut piumasaqaatinik apeqqutinut taamaattunut atuuttunik naammassinnissimanersut. Tamatumani ilaatigit pineqarput apeqqutip naatsumik erseqqissumillu oqaasertalerneqarsimanissaa tunngavilersuutitaqarnissaallu, taamatullu aamma ataasiinnarmik tunngavilersuutitalimmik arlalinnik apeqquteqaraanni apeqqutit ataasiakkaat normulersorneqarlutilluunniit naqinnernik ilisarnaasersorneqarsimanissaat. Inatsisartut Siulittaasuata taamatuttaaq nakkutigissavaa apeqqutit ataasiakkaat pisortat suliassaataattut isigineqarsinnaasunut tunnganissaat.

Imm. 1-imi oqaaseqatigiit sisamaanni aalajangersarneqarpoq § 37 malillugu apeqqut naatsumik erseqqissumillu oqaasertalerneqarsimassasoq tunngavilersuutitaqassallunilu.

§ 37 malillugu apeqqutip “erseqqissumik oqaasertalerneqarsimanissaannik” piumasaqaatip oqaasertaliisimaneq atuuttoq taarserpaa, taanna malillugu apeqqut ”erseqqissumik ilusilerneqarsimasussaalluni”, tamatumali qanorpiaq isumaqarnera ersernerlukujulluni. Apeqqutit “erseqqissumik oqaasertalerneqarsimasussanngorlugit” nutaamik oqaasertaliinissamik siunnersuutigineqartoq piumasaqaatitaqarpoq apeqqutip imatut oqaasertalerneqarsimanissaannik ingerlaannaq paasineqarsinnaassalluni, apeqquteqartup suut paaserusunnerai Naalakkersuisunit eqqoriaannagassanngortinnagit.

Aalajangersakkami § 37 malillugu apeqqutit tunngavilersuutitaqarnissaannik piumasaaqat atuuttoq ingerlateqqinneqarpoq. Tunngavilersuummi apeqqutip saqqummiunneqarneranut tunuliaqutaasut allaaserineqartarput apeqqullu pineqartunut ataqatigiissinneqartarluni. Tunngavilersuut taamaalilluni peqataasarpoq paasissutissat annertuumik pingaarutillit apeqquteqartumut isertuunneqannginnissaat qularnaarniasrlugu Naalakkersuisut apeqqummik paasinninnissaannut paasissutissallu suut akissuteqaammut ilanngunneqartariaqarnerannik Naalakkersuisut nalilersuinerannut tunngavissat ilaattut.

Imm. 1-imi oqaaseqatigiit tallimaat nutaajuvoq maannamullu suleriaasiusimasumik malittarisassanngortitsinerulluni, taamaalillunilu ataatsimik assigiimmillu tunngavilersuutitaqarluni arlalinnik apeqquteqartoqarsinnaalluni normulersorneqarsimasunik naqinnerilluunniit malillugit tulleriinnilersorneqarsimasunik.

Normulersuinissamik/naqinnilersuinissamik piumasaaqatikkut qularnaarniarneqarpoq apeqqutigineqartumik apeqqutigineqartunilluunniit Naalakkersuisut takkuinngitsuunnginnissaat, taamalu akissuteqanngitsoorlutik.

Normulersuinissamik/naqinnilersuinissamik piumasaaqatip malitsigaa tunngavilersuummi ilassutaasunik apeqquteqartoqaqqusaannginnera.

Apeqqutit ataatsimoortumik saqqummiunneqartut imminnut ataqatigiittariaqarput. Tamanna imatut paasineqassaaq apeqqutit qulequttamut, suliamut ajornartorsiummulluunniit sammineqartumut tunngasariaqarnerannik. Apeqqutit akunnerminni ataqatigiinnerat takujuminaappat, tamanna tunngavilersuummi ersersinneqartariaqarpoq imaluunniit tassannga paasineqarsinnaasariaqarluni.

Apeqqutit ataatsimoortumik saqqummiunneqarsinnaasut, tassa ataasiinnarmik tunngavilersorlugit, amerlassuserisinnaasaat killilerneqanngilaq. Apeqquteqarpassuilli ataatsimoortillugit saqqummiunneqarpata apeqquteqartup naatsorsuutigisinnaassanngilaa apeqqutit ullut qulit iluanni akissuteqarfigineqarnissaat naatsorsuutigissallugu. Tamannali aamma atuutissaaq § 37 malillugit apeqqutit ataatsimoortinnagit ataasiakkaarlugilli apeqqutigineqarpata.

Imm. 2-mut

Siunnersuummi imm. 2-p § 37, imm. 2 atuuttoq taarserpaa. Atuuttoq malillugu Naalakkersuisut apeqqut akissuteqarfigisinnaanagu nalunaarsinnaapput, taamaalillunilu suliap suliarinera “naammassineqalluni”.

Imm. 1-imi aalajangersagaq aamma atorneqartassaaq Naalakkersuisunut ilaasortaq

eqqunngitsunik paasinerluutaasinnaasumilluunniit inatsisartunut paasissutissiisimappat imaluunniit inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiussisimappat.

Naalackersuisunut ilaasortast akisussaassuseqarnerat pillugu Inatsisartut inatsinni § 6, imm. 2 naapertorlugu Naalackersuisut atorffimminnut atatillugu pisussaaffeqarput eqqortunik takutitsisunik tamakkiisunillu akissuteqartarnissaminnut. Tassani aalajangersarneqarpoq Naalackersuisunut ilaasortaq eqqunngitsunik paasinerluutaasinnaasunilluunniit Inatsisartunut paasissutisseeqqusaanngitsoq. Naalackersuisunut ilaasortaq taamatuttaaq Inatsisartut oqaluuserisassamik oqaluuserinninneranni paasissutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiusseseqqusaanngilaq.

Naalackersuisut tamakkiisunik akissuteqarnissamut pisussaaffeqarnerata akissuteqaatip sukumiisuunissaa malitsigisariaqanngilaa. Paasissutissat ujartorneqartut kikkunnit tamanit pissarsiarineqarsinnaareerpata, assersuutigalugu nittartakkami siusinnerusukkulluunniit nalunaarusiaasimasumi, paasissutissat sumi nassaarineqarsinnaanerannut innersuussinissaq naammassaaq. Innersuussinerli naammattumik erseqqissuseqartariaqarpoq apeqquteqartup paasissutissat kissaatigineqartut annerusumik ajornartorsiutitaqanngitsunik nassaarisinnaaniassammagit.

Imm. 2-mi Naalackersuisut akissuteqarnissaminnut pisussaaffiat killilerneqarpoq, § 37 malillugu apeqqummut akissuteqarnissamut qaqugukkut Naalackersuisut pisussaaffeqannginersut aalajangersakkami nalunaarneqarmata.

Tamatumani siullertut pineqarpoq Naalackersuisut paasissutissanik akissuteqarnissaminnut atugassaminnik pissarsisinnaanngikkaangata (imm. 2, nr. 1).

Aappaattut pineqarpoq “malunnartumik” piffissaq nukissallu paasissutissanik akissuteqarnissamut atugassamik pissarsiniarnermut atortariaqassappata (imm. 2, nr. 2).

Inatsisartut Naalackersuisullu pillugit Inatsisartut inatsisaanni § 12-imut nassuiaatini atuarneqarsinnaavoq Naalackersuisut apeqqut erseqqinnerusumik qulaajarniarlugu tamanna pisariaqarpat “naleqquttumik ilungersuuteqartariaqartut”. Imm. 2, nr. 2-p oqaasertalernerneqarnissaanut siunnersuutigineqartup ersersippaa tamanna qanoq paasineqassanersoq. Taamatulli oqaasertaliinikkut ullumikkut suleriaasiusimasup allanngortinneqarnissaa siunertarineqanngilaq.

Taamaalillutik Naalackersuisut assersuutigalugu § 37 malillugit apeqqummut akissuteqarnissaminnut pisussaaffeqassanngillat, akissuteqarnissamut annertuumik

paasissutissanik katersinissaq sukumiisumillu nalilersuilluni misissuinerit pisariaqassappata.

§ 37, imm. 2, nr. 1 innersuussutigalugu § 37 malillugu apeqqutip akissuteqarfigineqarnissaa Naalackersuisut itigartippassuk siunnersuuteqartoq tamatumuna kingorna pisariaqarpat aalajangiiffigisassatut siunnersuummik saqqummiussaqaarsinnaavoq paasissutissat kissaatigineqartut pissarsiarineqarnissaannik Naalackersuisunik peqqusisumik. Taamaalilluni Inatsisartut aalajangigassarilissavaat suliaq imatut pingaaruteqartiginersoq allaffissornikkut nukissat pisariaqartut suliamut immikkoortinneqartariaqassallutik.

Kiisalu pingajuattut paasissutissat kissaatigineqartut nipangiussisussaataitanermut ilaatinneqarpata.

Pisortat ingerlatsineranni suliassat sularineqartarnerat pillugu Inatsisartut inatsisaanni § 27, imm. 1 naapertorlugu paasissutissaq inatsisitigut imaluunniit aalajangersakkakkut atortuusukkut allakkut tasaaneragaappat allanut oqaatigeqqunngisaq, imaluunniit aamma pisariaqarpat isertuutissallugu pisortat inuinnaalluunniit soqutigisaat pingaaruteqartut pissutigalugit.

Ilaatigut soqutigisat uku Inatsisartut inatsisaanni immikkut erseqqissarneqarput:

- Naalagaaffiup isumannaatsuunissaa illersorneqarnissaaluunniit.
- Naalagaaffiup nunani allani naalackersuinikkut imaluunniit aningaasarsiornikkut soqutigisai, tamakkununnga ilanngullugit naalagaaffinnut allanut pissaanilinnut imaluunniit naalagaaffiit assigiinngitsut soqutigisaannut tunngasut.
- Akileraartarnermut akitsuuteqartitsisarnermullu inatsisit naapertorlugit pisortatigut misissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut.
- Pisortat aningaasanut tunngasutigut soqutigisaat, tamakkununnga ilanngullugu pisortat niuernermik ingerlatsinerat.
- Inuit ataasiakkaat imaluunniit ingerlatsiviit namminersortut imaluunniit peqatigiiffiit imminnut tunngasut, tamakkununnga ilanngullugit aningaasarsiornermut tunngasut, pillugit paasissutissanik illersuimallutik soqutigisaat.
- Inuit ataasiakkaat imaluunniit ingerlatsiviit imaluunniit peqatigiiffiit teknikkikkut atortorisat imaluunniit periaatsit pillugit imaluunniit ingerlatsinerit imaluunniit niuernermut tunngasut pillugit paasissutissanik illersuimallutik aningaasatigut soqutigisaat.

Naalackersuisut § 37 malillugu apeqqutip akissuteqarfigineqarnerini paasissutissat nipangiussisimatitsisussaataitanermut ilaatinneqarnerat pissutigalugu nipangiutiinnarsinnaanngilaat, taarsiulluguli nalunaarutigisinnaallugu paasissutissanik

pigisaqartoqartoq pissutsit sukumiinerusumik taaneqartut pissutigalugit ingerlateqqinneqarsinnaanngitsunik.

§ 37 malillugu apeqqutit akissuteqarfigineqarnissaannut Naalakkersuisut pisussaaffiat naatsorsuutigineqartariaqarpoq qinersinissamik nalunaarutiginnittoqarnerata kingorna atorunnaassasoq, § 37 malillugu apeqqutit qinersinissaq sioqqullugu saqqummiunneqarsimagaluarpataluunniit. Tamanna Inatsisartut Naalakkersuisullu pillugit Inatsisartut inatsisaanni § 29 naapertorlugu qinersinissamik nalunaaruteqarnerup kingorna Naalakkersuisut Naalakkersuisuugallartutuinnaq, taamalu “atorfimmi suliaasat ingerlaannarnissaannut pisariaqartunik taamaallaat suliaqarsinnaasutut”, atuutilernerata malitsigaa.

§ 37 malillugu apeqqutit akissuteqarfigineqarsimanngitsut qinersisoqarnerani atorunnaartarput. § 37 malillugu apeqqutit taamaattut taamaalilluni qinersinerup kingorna Naalakkersuisunit nutaanit akissuteqarfigineqartussaanngillat nutaamillu saqqummiunneqartariaqarlutik apeqquteqartoq qinigaaqqissimappat apeqqutillu akissuteqarfigineqarnissaa suli kissaatigalugu.

Imm. 3-mut

Siunnersuummi imm. 3 nutaajuvoq akissutillu ilusissaa pillugu apeqquteqartup kissaatigisaanut Naalakkersuisut pituttorsimanngitsut aalajangersarneqarluni. Tamanna assersuutigalugu isumaqarpoq apeqquteqartup Naalakkersuisunut piumasarisinnaanngikkaa apeqqummut “aap”-imik “naagga”-milluunniit akissuteqaqqullugit imaluunniit akissutip tabelinngorlugu allatulluunniit aalajangersimasumik suliarineqarsimanissaanik.

Taamatut kissaateqarnerit ullumikkut pisinnaasarput, naak tamanna qaqutigooraluartoq, taamaattumillu akissuteqaatip qanoq isikkoqarnissaanik kissaatigineqartup naammassineqarnissaanik apeqquteqartup piunnaqarsinnaannginnerata erseqqissarneqarnissaa pisariaqartinneqarsimalluni.

Imm. 4-mut

Siunnersuummi imm. 4-mi aalajangersarneqarpoq Naalakkersuisut akissuteqaataat Inatsisartut Siulittaasuannut tunniunneqartassasoq, taassumalu akissuteqaat apeqquteqartumut ingerlateqqittassagaa, assiliner Inatsisartunut ilaasortanut allanut nassiutiitigalugu.

Aalajangersagaq § 37, imm. 3-mik atuuttumik ingerlatitseqqiineruvoq, imarisai allanngoratik oqaasertaali nutarterneqarlutik.

Nutaamik oqaasertaliinermi taamatuttaq immikkut taaneqarpoq Naalakkersuisut akissuteqaat Inatsisartut Siulittaasuannut ingerlatittassagaa. Taamaalilluni akissuteqaat apeqquteqartumut

toqqaanaq nassiunneqartassanngilaq. Ulluinnarni sulinermi akissuteqaat Inatsisartunut qarasaasiakkut allakkanut nassiussivissamut nassiunneqartarpoq.

Imm. 5-imut

Siunnersuummi imm. 5 § 37, imm. 4-mik atuuttumik ingerlatitseqqiineruvoq, oqaasertalerneqarnermigut iluarsilaagaq. Aalajangersakkami aalajangersarneqarsinnaavoq apeqqut akissuteqartoqarnissaata tungaanut utertinneqarsinnaasoq, taamatullu aamma apeqqut tunuartinneqarsimasoq ilaasortanit allanit saqqummiunneqarsinnaanngitsoq.

Imm. 6-imut

Siunnersuummi imm. 6 nutaajuvoq. Naalackersuisunut § 37 malillugu apeqqutit Naalackersuisullu akissuteqaataasa isertuussassatut naqissuserneqarsimannikkunik Inatsisartut nittartagaanni tamanut saqqummiunneqartarnissaat aalajangersakkami aalajangersarneqarpoq.

Naalackersuisunut apeqqutit akissuteqaatillu Inatsisartut nittartagaanni tamanut saqqummiunneqartarnerat ullumikkut suleriaasioreerpoq.

Taamatuttaaq naatsorsuutigineqartariaqarpoq Naalackersuisut malittarisassat atuuttut malillugit pisariaqarpat § 37 malillugu apeqqummut akissuteqaatip isertuussassatut naqissuserneqarnissaannut pisinnaatitaassasut. § 37-ili malillugu apeqqummut akissuteqaatip isertuussassatut naqissuserneqarsinnaaneranik periarfissaq ullumikkumut sulii atorineqarsimannigilaq.

§ 37 malillugu apeqqummut akissuteqaatip isertuussassatut naqissuserneqarsinnaanera minnerunngitsumik eqqarsaatigineqarsinnaavoq akissuteqaammi paasissutissat pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat tunngavigalugu allagaatinik paasitinneqarsinnaatitaanermut ilaatinneqanngippata ilaatinneqarsinnaassanngippataluunniit.

§ 37 malillugu apeqqummut akissuteqaammit isertuussassatut naqissuserneqarsimasumit paasissutissat tunngavissaqanngitsumik ingerlateqqinneqarnerat nipangiussisimasussaataaeramik unioqqutitsineq pillugu pinerluttulerineq pillugu inatsimmi aalajangersakkanik unioqqutitsinerusinnaavoq.

Isertuussassatulli naqissusiinerup ataatsimiititaliap Naalackersuisut sulinerannik nakkutilliinerata ilaatut paasissutissanik akissuteqaammut ilaasunik malitseqartitsisinnaaneq ataatsimiititaliamut, assersuutigalugu Kukkunersiuinermut Ataatsimiititaliamut, mattutissanngilaa.

Imm. 7-imut

Siunnersuummi imm. 7 § 37-imi, imm. 5-imik atuuttumik ingerlatitseqqineruvoq. Aalajangersakkakut Inatsisartut Siulittaasoqarfiat periarfissinneqarpoq sapaatip akunnikkaartumik akunnermik apeqquteqarfiusinnaasumik aaqquissuussisinnaanerminut, Inatsisartunut ilaasortat Naalakkersuisunut siumut nalunaarutigineqariinngitsunik ingerlaannarlu akisassanik apeqquteqarfigisinnaasaannik.

Aalajangersakkami erseqqissumik oqaatigineqanngikkaluartoq apeqqutinut akunnermi apeqquteqarfiusinnaasumi saqqummiunneqartunut piumasaqaataasariaqarpoq taakku pisortat suliassaataannut tunnganissaat, allakkatigut § 37 malillugu apeqqutinut atuuttut assigalugit.

Aalajangersakkami oqaaseqatigiit aappaasigut Naalakkersuisut periarfissinneqarput nalunaarutigissallugu apeqqut akissuteqarfigisinnaanagu, taamaalillunilu “suliap suliarinera naammassineqassalluni”. Taamatut nalunaaruteqartoqarsinnaavoq paasissutissat kissaatigineqartut nipangiussisussaaitanermut ilaatinneqarpata imaluunniit isertuussassatut suliarineqartariaqartutut nalilerneqarpata, imaluunniit Naalakkersuisunut ilaasortaq pineqartoq paasissutissat ujartorneqartut pillugit ilisimasaqanngippat eqqaamasaaluunniit naammannngippata.

Taamaalilluni apeqqutip akunnermi apeqquteqarfiusinnaasumi saqqummiunneqartup akissuteqarfigiumanninnissaanut periarfissat allakkatigut § 37 malillugu apeqqutinut atuuttunit annertunerungaatsiarput. Tamatumunnga pissusissamisoortumik pissutaavoq akunnermi apeqquteqarfiusinnaasumi apeqqutit siumut nalunaaruteqaqqaarani ingerlaannarlu akissuteqarfigineqartussatut saqqummiunneqartarmata, Naalakkersuisorlu pineqartoq taamaattumik piareersarnissaminut, paasissutissanik pissarsiniarnissaminut akissuteqaatissarlu eqqarsaatigalugu atorfilittaminik siunersiuinissamut periarfissaqartarani.

Ulluinnarni sulinermi imatut pisoqartarpoq Naalakkersuisunut ilaasortap akunnermi apeqquteqarfiusinnaasumi apeqqut akissuteqarfigisinnaanngikkaangamiuk neriorsuisarluni kingusinnerusukkut allakkatigut akissuteqarnissaminik. Taamatuttaaq imatut pisoqarsinnaasarpoq Naalakkersuisunut ilaasortap akunnermi apeqquteqarfiusinnaasumi akissuteqaatip iluarsiiisuteqarfigineqarnissaa erseqqissarneqarnissaaluunniit pisariaqartittarlugu. Taamatut malitseqartitsillunni allakkiat § 37 malillugu apeqqutinut akissutit assigalugit Inatsisartut Siulittaasuannut nassiunneqartarput (ulluinnarni sulineq eqqarsaatigalugu qarasaasiakkut allakkanik Inatsisartunut nassitsivissamut), tassanngaannillu Inatsisartunut ilaasortanut tamanut nassiunneqartarlutik. Akunnermik apeqquteqarfiusinnaasumik malitseqartitsinerit maannamut Inatsisartut nittartagaanni tamanut saqqummiunneqarneq ajorsimapput.

Aalajangersakkami oqaaseqatigiinni kingullermi akunnermi apeqquteqarfiusinnaasumi

aalajangiisoqarsinnaannginnera aalajangersarneqarpoq. Taamaalilluni akunnermi apeqquteqarfiusinnaasumi tatiginninnginnermik tunngavilimmik oqaluuserisassamik saqqummiussaartoqarsinnaanngilaq, soorlu aamma oqaluuserisassami immikkoortumut tullermut ikaarsaariarnissamik siunnersuuteqartoqarsinnaanngitsoq.

Nr. 10-mut

Suleriaatsimi § 38, imm. 4-p oqaasertai naleqqussarneqarput maannalu Inatsisartut Naalakkersuisullu pillugit Inatsisartut inatsisaanni § 10, imm. 2-p oqaasertai assigilerlugit: ”Inatsisartut ileqquusumik katersuunnermi Inatsisartut tullianik ileqquusumik katersuunnissaannut piffissaq ataatsimiiffiususaaq aalajangissavaat.” Nutaamik oqaasertaliinikkut ullumikkut suleriaasiusoq, tassalu ukiakkut ataatsimiinnerup aallartittarnerata Inatsisartut ukiuata aallartittarneranut attuumassuteqannginnera, suleriaatsimi naqissuserneqarpoq.

UKA 2019 taamaalilluni septembarimi tallimanngornerit pingajuanni aallartippoq UKA 2018-ilu septembarimi tallimanngornerit sisamaanni aallartissimalluni. Ukiakkut ataatsimiinnerup qaqugukkut aallartinnera apeqquataatinnagu Inatsisartut ukiuat aalajangersimasuuvoq. Suleriaatsimi § 38, imm.1 naapertorlugu taanna septembarimi tallimanngornerit aappaanni aallartittarpoq ukiullu tulliani tallimanngornerup taassuma tungaanut ingerlasarluni.

Nr. 11-mut

§ 40, imm. 2 2015-imi ilanngunneqarpoq, tassuunalu apeqquteqaat aallaavigalugu oqallinnissamik siunnersuutit nalinginnaasumik oqaluuserisassanik nalunaaruteqartarnermut piffissaritinneqartunut ilaatinneqarunnaarput Inatsisartunullu ilaasortat apeqquteqaat aallaavigalugu oqallittoqarnissaanik siunnersuutinik ingerlaavartumik nalunaaruteqarsinnaalerlutik. Nalinginnaasumik nassuiaatini immikkoortumi 2.9-mi oqaatigineqartutut aaqqissuussinermik misilittagaalersut tunngavigalugit aalajangersakkap atuukkunnaarsinneqarnissaa maanna siunnersuutigineqarpoq. Tamanna isumaqarpoq apeqquteqaat aallaavigalugu oqallinnissamik siunnersuutit siunissami § 40, imm. 1-imi nalinginnaasumik sapaatit akunnerinik tallimanik sioqqutsisumik nalunaarutiginnittussaataitanermut ilaatinneqalernerannik.

Nr. 12-imut

§ 43, imm. 2-mi ullumikkut aalajangersakkakkut ataatsimiinnermik aqutsisoq pisussaaffilerneqarpoq ullup Inatsisartut ataatsimiiffiata naammassinnginnerani ullormi tullianik ataatsimiiffissami oqaluuserisassat nalunaarutigineqareertarnissaannut. Aalajangersakkap atuukkunnaarnissaa siunnersuutigineqarpoq, tassami ullormut oqaluuserisassani immikkoortut ataasiakkaat Inatsisartut nittartagaani tamanit aaneqarsinnaareermata, taamaattumillu periusitoqaq ullutsinnut naleqqukkunnaartutut isigineqartariaqarluni.

Nr. 13-imut

§ 47, imm. 1-imi aalajangersakkap siunnersuutigineqartutut annertusineqarneratigut Inatsisartut Siulittaasuata aamma siulittaasup tulliata siulliup, tulliata aappaata, pingajuata sisamaataluunniit sinniisussaasa Inatsisartut ataatsimiinnerinik aqutsisinnaanerat inatsisitigut tunngavissinneqarpoq.

Nr. 14-imut

§ 53, imm. 2-p allangortinneqarnissaa siunnersuutigineqarpoq aalajangersakkap ilaata Inatsisartunit nersornaasiinissat taamaaqataannillu tunniussinerit ataatsimiissutigineqartarnissaannut tunngasup atuukkunnaarsinneqarneratigut. Aalajangersakkap ilaata taassuma pisariaarunnera atorunnaarsitsinermut tunngavilersuutigineqarpoq, tassa Inatsisartut nersornaasiisarunnaarlutillu taamaaqataannik tunniussissaarnikummata.

Nr. 15-imut

Isumaa erseqqissarniarlugu oqaatsillu atorneqartut ullutsinnut naleqqussarniarlugit § 55-ip oqaasertamigut iluarsineqarnera taamaallaat pineqarpoq.

Nr. 16-imut

Inatsisartut aalajangiiffigisassaattut siunnersuutit Inatsisartunut ilaasortanit saqqummiunneqartut oqaluuserineqarnerini ”malitsitut oqaaseqarnernut akissuteqarnernullu” piffissaq oqaaseqarfiusinnaasoq ullumikkut minutsit marluupput. ”Malitsitut oqaaseqarnernut akissuteqarnernullu” piffissap oqaaseqarfiusinnaasup minutsiniit marlunniit ataatsimut sivikillineqarnissaa siunnersuutigineqarpoq.

”Apeqqutit akissutillu tamaasa” eqqarsaatigalugit ullumikkut piffissaq oqaaseqarfiusinnaasoq minutsit marluupput. ”Apeqqutit akissutillu tamaasa” eqqarsaatigalugit piffissap oqaaseqarfiusinnaasup minutsiniit marlunniit ataatsimut sivikillineqarnissaa siunnersuutigineqarpoq.

Piffissat oqaaseqarfiusinnaasut taaneqartut sivikillineqarnissaannut tunngaviuvoq UPA2019-imi akunnermut apeqquteqarfiusinnaasumut atatillugu Inatsisartut minutsimik ataatsimik sivisussusilimmik naatsumik apeqquteqartarneq akissuteqartarnerlu misilimmassuk iluatsilluartumik. Allanguutit Inatsisartut aalajangiivigisassaattut siunnersuutit siullermeerneqarnerinut aappassaaneerneqarnerinullu atuupput, allanguutissatut siunnersuuteqartoqarsimanersoq siunnersuuteqartoqarsimanginnorsorluunniit apeqqutaatinnagu.

Nr. 17-imut

Apeqquteqaat aallaavigalugu oqallinnernut atatillugu allangutissanik arlalinnik siunnersuuteqartoqarpoq oqallinnerit naannerullutillu eqeersimaarfiunerunissaat

siunertaralugu. Ullumikkut Naalakkersuisut saqqummiussinissaannut akissuteqaateqarnissaannullu pineqartut tamaasa eqqarsaatigalugit piffissaq oqaaseqarfiusinnaasoq 10 minutsiuvoq. Siunnersuummi tamanna allanngortinneqarpoq Naalakkersuisut saqqummiussinerrannut minutsit tallimannngorlugit akissuteqaateqarnerannullu aamma minutsit tallimannngorlugit. Piffissap oqaaseqarfiusinnaasup minutsinut tallimanut sivikillineqarnerani Inatsisartut aalajangiiffigisassaattut siunnersuutit Inatsisartunut ilaasortanit saqqummiunneqartut siullermeerneqarneranni piffissat oqaaseqarfiusinnaasunut saqqummiussinermut minutsit tallimaanerannit Naalakkersuisullu akissuteqarnerannut minutsit aamma tallimaanerannit sunnerneqarsimavoq.

”Malitsitut oqaaseqarnerit akissuteqarnerillu” kiisalu “Apeqqutit akissutillu tamarmik” ataanni piffissat oqaaseqarfiusinnaasut Inatsisartut aalajangiiffigisassaattut siunnersuutit Inatsisartunit ilaasortanit saqqummiunneqartut assigalugit minutsiniit marlunniit minutsimut ataatsimut sivikillineqarnissaat siunnersuutigineqarpoq. Sivikillisitsinissamik siunnersuuteqarnermut UPA2019-imi akunnermut apeqquteqarfiusinnaasumut atatillugu misiliinermut misilittakkat pitsaasut tunngaviupput.

Ilanngullugu siunnersuutigineqarpoq ”Naalakkersuisut naggataarutaasumik oqaaseqarnerat” atorunnaassasoq, oqaaseqarnissaq immikkoortumi aalajangiiviusussaangitsumi pisariaqanngitsutut isigineqarsinnaammat.

Nr. 18-mut

Akunnermi apeqquteqarfiusinnaasumi piffissat oqaaseqarfiusinnaasut ullumikkut tassaapput apeqquteqarnermut minutsit marluk apeqqutinullu Naalakkersuisut akissuteqarnerannut minutsit marluk. Piffissat oqaaseqarfiusinnaasut minutsiniit marlunniit minutsimut ataatsimut sivikillineqarnissaat siunnersuutigineqarpoq. Malitseqartitsilluni apeqquteqarnermut malitseqartitsilluni apeqquteqarnermut akissuteqarnernullu ullumikkut minutsimi ataatsimi oqaaseqarsinnaanerup peerneqarnissaa siunnersuutigineqarpoq, tamanna pisariaqanngitsutut isigineqarsinnaammat. Taarsiullugu nutaamik apeqquteqartoqarsinnaassaaq.

Nr. 19-imut

Sivisunerusumik oqaaseqarsinnaanissamik saaffiginnissutit eqqarsaatigalugit ullumikkut oqaasertaliisimanerup sukaammerneqarnissaa siunnersuutigineqarpoq, sivisunerusumik oqaaseqarsinnaanissamik saaffiginnissutit tunniunneqareernissaannut aalajangersimasumik killissalerlugu. Siulittaasoqarfimmut saaffiginnissutit ataatsimiinnissaq pineqartoq ullormik ataatsimik sioqqullugu ullup qeqqartinagu tunniunneqareersimanissaat erseqqinnerusumik siunnersuutigineqarpoq. Pisuni immikkorluinnaq ittuni piffissaliussap taassuma sanioqqunneqarnissaa Siulittaasoqarfiup akuerisinnaavaa.

Nr. 20-mut

Aalajangersakkap malitsigisaanik Siulittaasoqarfik (pisut suleriaatsimut ilanngussami 2-mi § 7-imut ilaatinneqartut: tassalu ullut 14-it tikillugit napparsimanerup allatulluunniit akornuserneqarnerup saniatigut) najuutinngikkallarnissamut akuersisinnaalissaaq taamatut qinnuteqarneq ilaqutariiusutsimi isiginiagassanik pingaarutilinnik imaluunniit pissutsinik immikkut ittunik allanik tunngaveqarpat Siulittaasoqarfiup naliliinera malillugu itigartissallugu naapertuuttussaangitsumik.

Itigartitsineq naapertuutissannginnersoq naliliiniarnermini ilaqutariiusutsikkut isiginiagassat immikkulluunniit pissutsit allat aalajangersimasumik atuuttut atuuffimillu isumaginninnissamut pisussaaffik qinikkatut suliaaqqartitaalluni atuuffiup malitsigisaa illuatungeriissillugit Siulittaasoqarfik oqimaalutaasariaqartassaaq.

Aalajangersakkap atuuffigisinnaasaatut assersuutitut taaneqarsinnaapput najuutinngikkallarnissamik qinnuteqaatit ernerisap panigisalluunniip apersortinnissaanut, nammineq ullorsiornernut, nammineq ilaqutarisat qanigisalluunniit katinnerinut, nammineq ilaqutarisat qanigisalluunniit akunnattunik ukioqalernerinut peqataasinnaanissamik imaluunniit aapparisaq napparsimmavimmi uninnganerani meeqqami paarisinnaanissaannik Inatsisartunut ilaasortap kissaataanik tunngavilersugaasut.

Nr. 21-mut

Inatsisartunut ilaasortat sulinnigiffeqarallartarnerisa najuutinngikkallartarnerisalu kisitsisitigut nalunaarsorneqarnerisa Inatsisartut ukiumoortumik nalunaarutaannut ilanngunneqartarnissaannik pisussaaffik ullumikkut atuuttoq atuukkunnaarsinneqarpoq. Inatsisartunut ilaasortat najuutinngikkallarneri pillugit paasissutissat tunniunneqassanersut tamanna pillugu saaffiginnittoqaraangat Siulittaasoqarfiup aalajangiivigisassavaa. Siulittaasoqarfiup aalajangiinerisa Inatsisartunut ilaasortat ataasiakkaat namminerisamik inuuneqarnissamut piginnaatitaaffii ataqqissavaat.

Nr. 22-mut

Aalajangersakkakkut sinniisussanik ataatsimiigiaqqusisarneq eqqarsaatigalugu aalajangersimasumik suleriaaseq ullumikkut Inatsisartunut ilitsersuummi allaaserineqarsimasoq inatsisitigut atuuttussanngortinneqarpoq. Aalangersakkami aalajangersarneqarpoq Inatsisartut Siulittaasoqarfiat taamaallaat sinniisussamik ataatsimiigiaqqusinissamik akuersissuteqarsinnaasoq Inatsisartunut ilaasortaq sivikinnerpaamik ulluni 14-ini peqassanngikkaangat.

Tamatumunnga tunngaviuvoq ataatsimiigiaqqusineq Inatsisartuni sulineq eqqarsaatigalugu pingaaruteqartussaammat, taamatullu aamma ulluinnarni pilersaaruserneq aamma angalanernut, aningaasarsianut, najugaqarnermut immaqalu aamma ullormusiaqarnermut aningaasartuutit eqqarsaatigalugit sinniisussanik ataatsimiigiaqqusisarneq allaffissornikkut

aningsaatigullugu oqimaassinnaasarmat.

Inatsisartut Siulittaasoqarfiatali sivikinnerpaamik ulluni 14-ini peqannginnissaq sanioqqussinnaavaa sinniisussamik ataatsimiiqiaqqusinnginneq Inatsisartut ataatsimiittarfianni ilaasortaatitaqarnerup allanngorneratigut Inatsisartut aalajangiisarnerisa inernerinut sunniuteqarsinnaappat.

§ 2-mut

Siunnersuutip qaqugu atuutilernissaa aalajangersakkami taaneqarpoq.

Suleriaatsimi allannguutit 1. januar 2020-mi atuutilernissaat siunnersuutigineqarpoq.

Taamaattorli § 37-p allannguutaata (siunnersuummi § 1, nr. 9) aatsaat 1. juli 2020-mi atuutilernissaa siunnersuutigineqarpoq, aalajangersakkap allanngortitap aamma Inatsisartut Naalackersuisullu pillugit Inatsisartut inatsisaanni § 12-ip, taamatuttaaq Naalackersuisunut apeqquteqartarnermut tunngasup, akornanni tamakkiisumik naapertuuttoqarnissaa qularnaarniarlugu.

§ 37-p allanngortinneqarnera akuersissutigineqarpat 2020-mi upernaakkut ataatsimiinnissamut Inatsisartut Naalackersuisullu pillugit Inatsisartut inatsisaata allanngortinneqarnissaanik Siulittaasoqarfik siunnersuuteqarniarpoq allannguutit pineqartut marluk ataatsikkut atuutilersussanngorlugit.

Siunnersuummi § 2, imm. 3 ikaarsaariarnermi aalajangersagaavoq paarlaateqatigiittarnissamik aqqissuussineq nutaaq malillugu Naalagaaffinnut Peqatigiinnut aamma Nunat Avannarliit Siunnersuisoqatigiiffiannut sinniisuutitassanik taakkulu sinniisussaannik qinersinerup 2020-mi upernaakkut ataatsimiinermi siullermeerutaasumik ingerlanneqarnissaanik malitsilik.